



太倉稊米集

亨 乙酉二十六葉

太倉稊米集卷第十一

詩四十首

秋旱既久已而大雨

霜早憂千里
靈湫卧蟄
危叢祠亦何力
女現遂
論功凍雨雲
霓過秋田
寇盜空飢腸
蒙一飽歡
甚雪髯翁

夜雨不寐

歲已随流水
身猶轉断蓬
秋風双鬢短
夜雨一
燈紅衰病無多力
穷愁莫謾攻
殘年消底物
溪
外兩三峯



次韻羅叔共紀事見寄 羅諫字叔共

中原困胡虜此事昔固聞何嘗大江南犬羊動
成群踴躍萬騎入蒼皇兩龍奔五年三避狄十
室九見焚相公既降虜杜元盜賊俱官軍遂令
江以南慎山滿屯營老稚五六輩相呼走荒村
君昔東道主竄身亦荆榛兩家三十口既死驚
復存共求草中生有似麀與麇平時已蹭蹬老
恨有此身湛々兩玉壺烟々無一塵猶喜垂盡
中得此千載人珠璣皎在前自然洗妖氛恨君
濟時策百未有一伸半通猶縮盤兩肘空懸鷄無

人作遊揚恐得按劍嗔濃雲卷膚寸未許膏斯
民念昔仲夏夜赤氣騰天曛雨足下垂地誅斬
當姦臣賊將果夜遁王師策殊勲班荆記是夕
同我二三君々歌獨慷慨淚下霑衣巾願言補
周袞八表均堯仁昆虫及草木同播一大鈞良
會有如此吾生豈非辰吟君洗兵馬大雅何深
醇安得清廟瑟朱絃奏春溫

七月十八日夜独坐静寄月出麻姑背

開戶徜徉夜久不寐
秋日忽復翳暮色橫坡陀黯々窓戶暗森々脩

竹多我懶不點燈，枯藤與婆娑。青山忽吐月，隔竹翻金波。湏臾滿幽林，款乃被巖阿。開門望天漢，星宿方森羅。秋風入梧楸，白露霑芰荷。夜寒有鷺鵲，飛鳴繞南柯。蒼生願安枕，壯士方橫戈。誰能殫地承故地，收關河。我意忽不愜，隣鷄復當歌。詩成月已落，柰此老狂何。

次韻魏宗明携酒小集

山翁爛醉習家池，碎剪黃花點玉卮。臺下听君真有味，皇天憐我欲何之。難陪痛飲心先醉，強作朱顏老易衰。明日囊中有新句，尚堪醉墨寫淋漓。

淋漓

次韻呂居仁詩尾見及四絕

詩成邂逅得窮愁，眼見即潛又白頭。人物向來山吏部，篇章今日謝宣州。狗盜連衡苦未平，秋成戈甲尚乘城。夢魂几欲隨公去，為問高安路几程。樓上看山酒一危，人間此樂豈兒知。秋風吹落霜前鴈，寄得西來別後詩。白髮書生誰復論，蕭然深閉一蓬門。自知亦壁功名晚，羞與周郎作耳孫。

題裴晉公畫像二絕

朝論當年洵、時此翦竒事、少人知、夢中縛得
吳元濟、猶說緋衣、是小兒、
瘦着輕裘、似不勝、書生事業、復誰能、莫喚小鴨
可擒兔、真有禪師、解放鷹

玉友初成戲作二詩

小篋鵝黃、撥不開、晚風吹、蠟轉荷杯、灯前細酌
情何限、病後朱顏、老却回、我亦平生、笑餘耳人
今何處、有陳雷、方從歡伯、作幽事、莫喚酪奴、相
繼來

旧交誰復可相忘、晚向林中得此郎、政恐大兒
妨笑語、頻呼小友、共回翔、坐來烏有、聊為客醉
後無何、即是鄉、多謝故人、分玉粒、夜灯和雨、搗
新香

檢故書得旧寫真戲書

揚柳春風、濯、枝深、慚張緒、少年時期、尚有
膏中意、種、真成鬢、上悲暮、四朝三心、已了年
頭、月尾、老俱遺、此中空洞、今何有、曲尽周郎、更
不知

八月三日早起

金樞壞殘月暘谷賓朝曦九日浴滄海一日騰
上枝上枝邈何許但隱山半規須臾掛銅鉦飛
上天一涯光景被草木暎，含幽姿微暎入圓
吭飛鳴各嚶吟物意自欣悅人情傷歲時卷我
東憲簾群山抹脩眉炙背翻故書搜腸出新詩
俟河几時清種豆落為萁人生行樂耳富貴終
何為丈夫風雲會事業肩臯夔時哉不我與浩
歌君勿疑紉蘭可為佩製荷可為衣駕以白玉
虬駝以蒼精螭翻，八荒外耿，天風吹世俗
付一笑造化真小兒

雨作留水西溪漲不可復歸

東谿打棹過西谿南嶺雲飛北嶺時鳥語屢呼
人載酒山行不厭雨催詩靜中秋色人間少客
裏泉聲夜半知老去隨緣皆可耳愁霖未用苦
相欺

病中王邦憲見過以詩為謝因以當別

別後衡門久不開壯心銷盡已成灰白頭羈客
病中老青眼故人天外來相見有時那易得語
離終在莫頻催山城歸路應殘曠早寄春風嶺
上梅

病起負暄菊籬一首

卧病初肅霜小間倏立冬老境知几何半落呻
吟中鑿師固楚產砭灼矜神功巫師雜荒恠呼
吸生雷風江鄉鬱毒霧禦濕無鞠勞况復窘行
役六月傷蘊隆寒熱遂百戰藥石徒屢攻搗項
每黃馘茆然非昔容逮茲脫九死更生本蒼穹
今晨頗欣悅步我菊籬東無誰每共語梵誦庶
可終憂樂有乘除涉世殊穷通幸茲未暝間有
樂聊復從

送詹伯尹赴三衢酒官

東甌誰臨未見書起居君不解何如懶從瓜隴
耕春雨聊听糟床滴夜渠滿世棘荆渾未定白
頭書尺莫全疎官曹有禄仍無事看着斑衣從
版輿

辛亥冬無雪天氣
妍暖如禁烟時書所
感三絕

夕陽微傍小窻明便遣飛蟲作意鳴天共梅花
元有約誰教草色上荒城
當年白雨打涼州春色還催禁籬遊記得端門
迎輦路輕冰一夜綠楊溝

去年和雪卧榛叢雪裏旌旗分外紅江上只今
無盜賊樓頭昨夜已春風

仁宗皇帝飛白歌

八神警蹕群靈趨風師兩伯當前驅漢家四葉
圣主出共扶日御升天衢當時農桑三萬里地
上錢流已如水左有稷契右臯夔四嶽九官真
濟、太師當國天下安貂蟬綉衮身如山范公
持節下金臺名落百蠻毛髮寒鄭公有口伐可
汗可使一言無契丹太平天子坐垂拱蟬螭護
漢朝千官侍臣愕立蓬萊殿看草宸奎麗雲漢

中人傳賜宣口勅雨露恩光極昭煥公家十襲
宮錦囊五彩屬天驚夜光試從文老說嘉祐百
年厚德如難忘自從喪亂双眼暗猶喜人間得
時見小臣拜舞喜欲顛安得身隨千官朝九天
眼見萬騎無控絃四海復似昭陵年

雪中睡起書北憲二首

斷雲踈雪暗樓臺春在寒憲不肯回梅亦羞人
花未笑柳知何事眼慵開久拚雙鬢綠詩老忍
放癡愁入酒來犹有暮年文字業睡餘重秋亂
書堆

窻下梅花凍玉壺
夢回閑听雪跳珠
樽中酒盡何由得
枕上詩成可自娛
身世固應渾是夢
功名知己不成虛
明朝醉倒春風路
試問黃公覓舊壚

次韻元素自東臯寄新詩
賦退猶未久
北風胡馬自長鳴
月到南枝鳥共驚
留我小溪回短棹
看渠紅旆作長城
人思龐老皆知隱
賦說康成亦畏名
亂後欲從君一笑
滿林荆棘未堪行

先生老去以詩鳴
亂定詩來眼倍驚
但把明珠照兼乘
未須白壁換連城
人言陶令長耽酒
我識玄真不釣名
晚日追隨嘆才盡
始知天馬是能行

奉聖山中邂逅忻師相與話
十年旧事為之惘然
二十一日同遊陳侍講附子園
偶作此篇

不見跳珠已十年
旧遊重說固依然
此生如我豈非夢
到處逢師真是緣
倦客來看栽藥圃
先生昔侍講經筵
人間作計無多子
也合歸謀種穀田

過石壁

兩峯夾天高一水繞山麓鳥道盤山腰下臨千
仞谷仰視寸草青千章羅巨木轉峽瀉哀湍驚
雷裂坤軸日月所隱庇光景不到目道險當捨
車重趼摩兩足不知誰鑿空穿穴入山腹平生
蜀道難耳目聞見熟茲山亦尤物初未掛史牘
了知天宇間萬險自重複窮人重鎔銖凌冒取
危奪歲晏霜雪多歸途戒當速

出石壁

倚空山巖巖平地石齟齬脩途縹危磴千里無
寸土山高不見日霧重自成雨入壁天始明出
壁日過午青蒼斷崖谷開豁見天宇稍田棋局
方梯山種禾黍道傍兩三家稍稍聞笑語始知
在人寰邂逅得徒旅倦僕飢欲啼遊子歡自許
携挈老一屨白髮無處所何當把春犁望月耕
隴畝閉門了殘年危磴不復取

徽州道中觀山

老去心安一味閑江南江北飽看山不知今日
徽州路始落千崑萬壑間
暖入巖花上翠藤半巖松挂簞亭々南來到處

無山似喚作東川小錦屏

上饒道中望月巖

瘦馬度莽蒼悠々忽長年群山不知數袞々來
眼前忽逢天上月下掛蒼崖巔烟如碧玉訣中
空竇雲天巖柯亦薄相為作蟾桂圓陰暗無顯
晦千古長嬋娟坐令馬上夢憶我江南川江空
月自吐万頃含風烟靜聞款乃声入我獨宿舫
誤從塵網中見似喜欲顛何當追昔遊擺脫區
中緣買地結茅屋攀雲躡飛仙朝吸白露天魯
飲山根泉清欢僥可結浩歌與周旋

於潛道中戲作

徐娘雖老風流在學得啼眉時世粧只有於潛
旧家女但携蓬背嫁新郎

收伯尹三衢書

近有南州使雙持赤鯉魚花時孤客淚亂後故
人書一别真如許三年少定居時危消息好老
去莫情踈

正月十日雪

維時孟春月歲事司勾芒微陽力猶弱未足扶
百昌風伯偈偃旆電師亦潛光堅冰頓欲解蟄

戶不肯藏群陰勢未屈寒飈忽飛翔積陰既得
泄雪意亦異常癡雲迷瀕洞烟水俱蒼茫行人
有墮指裹足畏前岡踈梅強解事一笑矜芳香
誰憐百草死萬未寒仍僵東君始用事抗此凜
冽剛那知假微暎乃復為此祥幽人解春衣酒
券僅可償倚此數日暖倉皇索衣裳方事多及
覆天心難重量賴我有殘榼聊足資清狂此意
誰復論醉眼空望洋

銅爵研

臺街夜腹空然脂可憐漢柝終陵夷老瞞自在
作家主欺它寡婦并孤兒洛陽宮殿皆頽圮更
作高臺半天起臺上吹香十里聞臺下洗粧漳
水渾當年歌管一消歇回望西陵空斷魂百年
歲月空中鳥花不長妍人易老臺傾人去不復
存碧瓦澄泥為誰好那知流落向寒窻乞與詩
人賦花草

次韻伯尹見寄二首

種々星々苦見侵已無心作四愁吟三秋令我
類成夢一月勞君幾嗣音臭味每嗟無草木因
綠已定只山林此心耿耿從誰語遺恨依然淚

蒲襟

從古何人解識真夜光欲到了無因只今懷璧
還歸趙它日揮毫有過秦餘子不應露厚祿此
郎寧合坐長貧白衣蒼狗俱成夢富貴功名不
在人

次韻常元明寄侯元進道常字元明宣之詩僧
丞哉風味似崔侯松下行吟萬事休亂後只應
堪一笑官閑如此復何求看花欲下春衫淚射
月光愁塞草秋賴有道人三昧句為君一洗向
來憂

終

太倉稊米集卷第十二

詩三十九首

和趙鵬翔贈李生

趙翼之字鵬翔宣城主簿
李生善畫京師人

人間作畫如作詩妙由心得非人為五日一石
十日水此事無乃亦可期向來郭恕先妙手真
復竒經年不肯下一筆膏中丘壑誰當知忽然
有興不可遏寫作搓牙風雨枝回頭却笑闌立
本緩急與人為畫師李生聞是成遠後一生落
魄唯飲酒責人金多不可呼閑日為多畫日少
心知公子非俗人平生筆底波瀾翻故作滄江

與巨石要看萬里風濤相吐吞誰知此老不足
數自笑一生常苦辛桃花水暖小艇窄十年辜
負江邊春時危力小去未得畫圖入眼空傷神
次韻常溪道哭陳諫議常許字深道

自是群姦誤聖君初心豈願作忠臣平生勁氣
埋黃壤當日嘉言在紫宸諫議裂麻方伏閣諸
公鳴玉自垂紳向來六子俱誅滅此道於誰較
屈伸諫議謂陳東

叔達許分萱柳二栽作二絕

華顛老去幾霜秋知慶元應不奈愁但得稍分
花到眼誰能更覓地埋憂

鋤荒已出墻根路剪綠仍分雪後栽便與數椽
容我老當留一徑待君來

謝元不伐寄靈巖七詩用梅聖俞韻

靈嵒勝絕天下稀開鑿乃自太古出山初豈
有顯晦勝處要須詩黼黻自從梅老登列仙尤物
誰憐爨埋沒具茨筆力扛九鼎坐遣清詩入山
骨據龜食蛤誰與遊絳節雲車到仙窟雲間指
手疑有無月下吹簫真騎鶴飛雪香霽風吹香
翠澗空濛雨垂濕誰從洞口看金書想對神清

時獨立我家靈崑山脚底識面何由恍如失雖
無幽夢到三山尚有明珠容十襲

送別徐南美

謀臣如雲將如雨欲剪天驕奉明主御營飛詔
肅虎貔妙略縱橫自神武誰騎馭馬蹄双朱夢
從璜溪親帝輿手提大鉞殺兩將日御少却公
重扶此公堂，出當國群盜相看少顏色江上
鯨鯢盡掃除草中狐兔無窠窟折衝自可銷戈
兵寸地尺天歸聖明帳下偏裨何足數幕中賓
客公獨稱顛資婉畫戡禍亂坐遣四海歌昇平

書生白首亦安用尚可平戎作短行

送侯元進罷涇溪丞

胡錐飲馬窺長江巨鼎一沸俱倉皇我携老稚
不知處流離夜竄涇山陽山中小邑真蕞爾井
邑無声但流水亂石崢嶸虎看人買客稀疎市
爭米憶昔相逢群盜中過我天宮寶坊裏人言
覓句崔立之恐是前身侯叔起當官論事嚼寒
冰醉後詩成只彈指三年兵火夢中遊別去何
堪日千里人生直氣忌太高論少卑之亦聊爾
功名唾手良偶然邂逅庸奴亦如此如公人物

自有餘似我蒼華真老矣只今滿世尚干戈應
念相思遣雙鯉

李使君示開化諸詩

李慶勸字勤仲
自衢守移宣

使君一出承明序當年兩佩龜峯魚龜峯小兒
騎竹馬笑挽朱轡歸故閭門外春風次畫戟小
閭香濃綺疏碧蘇州五字老更奇東陽八詠人
誰敵山堂聞說公自開烟雨遙供翠鬟色更向
招提山窟中竹杖穿雲飽經歷夜上孤峯看月
明曉趁鍾魚看僧履詩成知復几牛膏倒廩傾
困公不惜他年奔似每何人知我耽詩老成癖

平日看囊止一錢驚見縱橫着圭壁當遣兒童
勿浪傳按劔從來少人識

贈元具茨二首

時具茨作寧國宰名勳
字不伐具茨其號也

平生結客少年場人物如君見未嘗早歲風流
知漫叟一時師友是黃香相從便作雙鳧去欲
見應須一蒞航只恐涪翁門下士几重應合本
清光 勳師山谷山谷嘗為作字序

名在金華季孟間流傳佳句落人寰異時文采
今何在掃地風流喚欲還賸馥見分雖有意小
巫自顧獨何顏源明不恨生衰俗尚喜人中識

魯山

羅仲共兄弟文集為賊所殘

照眼明珠兩陸離
机雲兄弟似當時
文章未許輕
露巧神物何為欠
護持白壁懸
知從間道青
氈亦復付偷兒
誰言舉世無
蘇晞收得香奩
第一詩
何元靜以詩索花次韻
詩尾致剪花之約
城南有客身倦遊
飯無脫粟衣無裘
短墻雨濕
花木晚穿蒼草探
籬落秋心常自許
玉川輩人
言恐是原憲
流千奴安得封君祿
偶有一花聊
可目
綠掾作架恐未暇
春到听花飛上屋
衡門

無酒客不知
寒谷少春花
更遲東家放
艷雪滿
眼西家著
蕾枝空垂
慙慙未足供
一笑慙愧煩
君作好詩
誰遺春風吹
急雨枝頭會
見花無數
夜窻月白得
暗香曉枕風
微戰輕素已
辨并州
快剪刀為剪
芳條送春去
君當釀酒買
肥羔莫
倚忽、陳草具

後數日以詩償剪花之約

春風吹雪不成雨
暖日將春到花塢
知君不羨
鶴林神
但將詩作催
花鼓
饗風
虐雨一掃空
園
艷天香為君吐
金刀盟在不敢寒
急走送君花

滿盤何即要將湯餅試不放枝頭朝露乾樽雖
有酒莫謾把客未可人誰共看想當風暖月更
白流蘇帳掛香團藥應笑老翁門寂寂咫尺誰
來草玄宅暗香和月與誰同芳條委地無人摘
春與幽姿似少情兩打風翻漫狼藉

送舒永豐

舒實王字利用少年登科為信州永豐令終焉宣州人

斯民如草木九圣含春温秋風一披拂零落唯
重陳嗣皇回日御杲杲昇朝暎誰令天驕子欲
肆長鯨吞王師一唱亂諸將皆星奔可憐爾羣
蒼終不負漢恩固亦念顛仆所喜卯本存舒侯

名家郎翔鸞未騰騫稍分民社寄似欲親撥煩
盍敷寬大詔力補瘡痍痕勿謂最爾邑安能着
華軒妙割俱有用雞牛無足言君看密縣宰視
民真子孫汗馬無寸勞太傅豈不尊扶衰其有
意願復矜元々

次韻何君與晚晴

花深雨過一鳩鳴喚起何郎對晚晴暮靄連山
明白鷺夕陽回處帶啼鶯浮生可笑能几辰萬
事政須論一枰想得追隨共飛蓋玉觴零亂酒
催行

次韻劉元素暮春書懷

斷腸風雨落花時
空遣劉郎賦柳枝
涉世功名真蠹穴
送春歌吹只蛙池
尚堪短策時乘興
猶有寒杯可共持
更願餘生似東野
雲龍無地不相隨

次韻元素再用前作

春晴無復少年時
那作鷺鳥夜繞枝
願與君遊雲夢澤
不愁人奪鳳凰池
北窗付我長高卧
手板看渠自倒持
擬伴遺民釣烟水
蕭規真欲曹隨

元素將與余別再賦前篇因以留之

江頭雲雁欲飛時
倦翮依然在一枝
少許晚潮青版舫
共聽朝雨綠荷池
伯仁醉熟慙空洞
夢得詩高有護持
南浦分襟定何日
懸知清夢每君隨

送元素

重來樽酒定何時
藜杖同誰把一枝
雅量久知吞夢澤
高飛猶恨隔天池
凌烟事業歸驃騎
樂府歌行付總持
自載筆床茶竈去
喜君風味似天隨

次韻元不伐暮春再遊俞氏園期任適
鄉劉長孺不至

素心失前期幽事索老念小築犹未成殘年作
逋欠五字俯見投光芒肯收歛遐想徒意消從
遊知禮僭流離兵盜餘有籍犹未占尚想南岡
花依、弄殘艷棲遲儻會意往還殊未厭如何
兩公子盟寒久無驗我語良可刪公當為磨玷
載酒苦未能茲烏負深歎

春曉絕句二首

春來白水欲平田未拆鞦韆已禁烟傷雨落花

空着地倚風輕絮解漫天

鳥聲時向靜中聞盡日陰晴謾不分庭下落花
如落絮眼前春思似春雲

訪張元明山齋

張賁字元明池之青
陽人為宣州司理

張侯詩似嶺雲閑飛鳥何心只念還醉裏有官
如物外眼前無客似山間來听春枕連霄兩看
盡秋屏着色山老去此身無處用固應容我作
躋攀

次韻張元明書劉氏草堂

草堂聞出碧雞西一色桃花去路迷有眼固應

元自白無膏略可為人低
池塘看浴雙鳧兩簾
幕時銜鷺子泥想得君家
舊蓑笠依然猶在太
真谿

四月二十八日江元稽置酒坐客皆醉
卧已而主人亦就睡戲作數語以紀其事
西園春事闌歌管罷綠竹青錢落高榆
幽鳥嘯空谷江侯不能閑折簡到吾屬
淨掃南窗塵共此一樽玉重觴各顏然
睡味久乃熟齶、兩鼻雷艷、當筵燭
因知歡有餘誰謂飲不足偉哉三玉人
曾不愧坦腹應憐俗子陋禮法困窘束

坐中飲濕生起舞自成曲
主人亦忘客去留隨所欲可笑陶淵明
欲睡客頃遊

題張元明四鬼捕獺丸圖

五月江南地無忝帝遣雷師下行雨
百神受職羣尤奔一尤藏頭翳玄雲
雷師奮鬪叱四鬼拽取老龍朝帝閣
張侯直氣不可屈雲間睥睨旁怒嗔
歸來面壁聊一吐畫作新圖走兒女
潛虬怕死不肯行藥叉飛天鬣毛豎
人間莫笑虎頭癡筆底風雲遽如許
今年雨足年亦豐場斲纒甃俱論功
尤方下避千里赤疾雷破柱頌天公

天公有令那得爾寄語癡尢莫辭死

次韻趙伯武病中即事五首

卧病念經時勿藥有新喜便應走駁，誰復稱
起起嘯歌理壺觴婆娑在憲机想當呼濁醪與
客談妙理
趙侯佳公子妙技數三絕對君如春水熇，消
内熱一為藥石誤良會論契闊便當亟相遇共
此良夜月

愛酒知有僻耽書久成癡官曹足餘暇函策約
屢技但恐蒹葭陋繆倚瓊玉姿况無彈丸手突

過黃初詩

病餘春已歸飛花滿空堂萱草欲成窠莪葵粲
微黃高門有賀客新驚怯初堂人生貴強健餘
事亦眇茫

平生沈東陽鶴骨儼如故朝來聞中車載酒定
何處暮歸坐東軒翰墨有佳處當持烏絲欄為
乞錦囊句

送費茂和二首

費介字茂和
嘗宰宣城

誰言令尹拙催科鞭扑當如豈弟何樓下久傳
子為曲人間方唱訖那歌虎知低首應須殺雉

已將維不可羅太史若書神爵傳慈祥未媿昔人多

前吳零落謾知名後輩何由識老成誰遣斯民俱卧轍因知循吏本無声眼前公事何時了月下清樽且復傾想得新栽池上柳送君歸棹亦多情

江才任寺簿得刘遺民釣臺於泾水之上將作小亭而未暇有詩次其韻汪伯虎字才任旌德人眼前時事只紛々林下誰來吊逸民断石至今留物外赤欄何日照江濱飄流歲月人空遠料

理風烟意轉新擬借一椽垂短釣此生真欲繼前塵

秋暑卧病示莊簿莊草字時熙為宣城簿

老火倏已尽金行殊未剛弱稟漸可剥七月犹驕陽赤日不可嚮白汗驚流漿誰將穷谷冰為我濡枯腸况兹老病軀息偃真在床猷秋頼風玉微颺襲衣裳言念北征士萬里方拓疆秋雲静暹日光耀劔戰場君今飽韜略論事時抗章諸公頗動色有榮云甚良何當給鋒車结珮朝明光一鼓收関河再鼓擒戎王戈兵既静洗不

復腥犬羊万夫各解甲四海均清凉

雨後微涼再示莊簿

蓐收始用事健行肅乾剛微颺生淅瀝一雨洗
亢陽香羅阮團扇玉腕碎蓆裝况蒙慷慨詞猶
激早懦腸當食忽亡匕起立遂失床鷄鳴中夜
興呼灯攬冠裳自從羯胡亂四海失故疆向來
桑麻區半作荆棘場黔首未安堵皂囊思獻章
聞有圯上書今代誰張良風雲湏嘉會日月依
末光當宁方側席誰能薦吾王鸞鳥尚垂翅光
眼空望羊秋風一夕起撫事增悲涼

觀大閱

落日鳴笳鼓西風卷旆旌熊羆千騎肅錦綉一
川明猛士方投石將軍未請纓不須誇劍舞卻
穀是書生

復愁二首

秋風嫋嫋秋雲愁寒日耿耿還西流昏鴉接翅
帶遠水暮雨滿山昏北樓微涼漸欲入枕簟白
露復恐露梧揪橫戈壯士半茅土雲壑布衣悲
素秋

江南郡邑半成灰江北諸藩信不來此日兵連

渾未解向來遭寡復誰開三閩故地何時得二
帝征蠻几日回白髮草萊無遠策暗垂雙泪只
與哀

太倉稊米集卷第十二

太倉稊米集卷第十三

詩四十八首

次韻馮遠猷夜雨屋漏有作

我昔在田間秋霖傷歲熟常憂床，雨夜下東
屯屋飯牛起晨耕短蓑聊擲沐違濕因五遷勞
形真夜僕坐歌南山粲那惜清夜促平生小馮
君秀齒粲冰玉生餘華屋姿豈識霑霑辱誰知
折角巾肯念滹沱軸會將秋雨謠寫入朱絃曲
知君有過秦妙畫行見錄衮衣坐法宮當宁調
玉燭吾庠雖獨破受凍死亦足

飲魏宗明家分韻得酒字

閉門苦秋炎散髮卧北牖
小雨度微涼西風颯
裊柳起邀馬服君步過雲
中宇雲中雅好事酌
我玉卮酒諸公飲方豪
何曾問井斗而我終飲
濕已復因濡首臭味本
自同初何間能否不然
瓊瑤林何以着老叟
歡同一笑間義重千載後
脫彈無新詩刻燭媿
敏手詩成今上御名勿再生客鷲
欲走

感韓碑用李義山韻

長蛇封豕矜雄姿弄兵三世窺
皇義自從胡騎入中土僥倖歲月寬
誅夷錦纏紅帕五十載肯
翰赤豹黃黃羅憲皇神笑本天授
指顧不勞戈一揮元和上相拜元帥
黃金鑄印手自持三軍踏雪坎壈
入夜摩賊壘朝擐旗侍中西平老將
種屬鞭犴舞行相隨緋衣小兒却
健武永怕賊百如虎貌功垂竹帛不
可掩名在萬古誰能訾行軍司馬
號大手蒼珉承認錄瑰辭平生真筆
有公議從人乞米知羞為狗功須
賴葭縱者盡勒殊勲歸鼎司官中小
女強解事歛衽雪涕垂豐頤締章繪
句隨断裂底恩下霈驚淋漓空餘

大雅配吉甫

元和聖德詩云誰作歌詩以配吉甫

春秋廟享存歌詩當時

左右無諫者應慙鳴珮趨龍墀襄陽太守獨何事殷勤自刻平吳碑將軍更勒燕然名蠻風瘴雨侵蟠螭張助耀武示萬世二子无乃為已移晉公純德古未有疆藩悍將親平治群姦聞夙膽為落自奮老拳擒宛脾都人尚想白羽扇野蔓已理黃絹詞唐家晚歲事如此誰令舉世躋純熙君不見鄭公之死由未冷停婚碎石思還追文皇英明犹復爾功臣誰肯躬胼胝玉谿慷慨書萬本要識元老為邦基

寄題元具茨双梅菴

高節知公冠九州梅花却對令君羞詩如往日陶彭澤人是只今陳太丘挽得繁枝供宴坐小分踈影入清流簿書堆裏渾無事玉雪和中醉即休

讀東坡億耳新詩

先生流落久居夷屬國前身事已非万里岷峨空入夢七年海嶠不思歸梳柳葉暗蠻村兩荔子紅垂瘴嶺扉政生詩窮閔底事雲鵬誰道摠

早飛

東坡有雲鵬今悔不早飛之句

次韻時然惠徽州山下近作

莊侯四海習鑿齒寫一技亦聊爾沸鑊那尋
袞慶州獨跨羸驂度徽水羊腸路繞十八坡危
磴天懸三十里捫參歷井不復休一握去天真
有此軍符夜下星火急史曹文書日填委青山空
德未可厭方外周旋人有几坐看雲生柱頰間
便恐詩成橫槩裏万壑千岩入句來天遣江山
助竒偉我昔經行五嶺頭芙蓉峯高天正秋淒
音怨曲不成調細雨寒烟空復愁曉得新詩驚
欲倒句似當年山色好一生忍淚泣秋風可笑

區、郊與島

題呂節夫園亭十一首

呂節夫兄弟買地築屋于麻川之上鑿山疏泉
種藥藝花為遊觀之所十有一官閑則居之食
不足則出而仕當世高之其弟仁父為余道其
名且使賦詩

雲林堂

高情惡喧囂結屋傍空曠草堂寄雲林遠目聊
自放偃蹇良不疑世俗真可抗不知堂中人誰
同倚藤杖

半隱客

顯晦固有時出處本同致乘流与遇坎等是一
戲事真隱了無心寧須論朝市君看半隱名是
中有深意

歲寒坡

山中与誰語俗士不我過時携登山屐閑上歲
寒坡不知青女威柰此蒼官何從今桃李花漫
空復多

朝陽臺

殘月壞金樞朝曦吐陽谷高臺凌日現杲々明

万木白露亦已晞桐陰轉簷曲危坐讀黃庭想
像巾一幅

衆芳閣

草木有盛德俗眼未易現幽姿不可見微香在
林間植我東篱菊藝此九畹蘭芳意似有知為
君笑朱欄

藤洞

雲山眈無何地勝餘草木蒼藤飽風霜天矯作
巖谷幽香出空洞清樾交翠麓想時携客來班
荆对棊局

學圃亭

疏泉灌畦折柳樊小圃
閑心有幽事寄意在
衡宇但恐經綸入茲焉
忽高舉御名勿厭荷锄烟
蓑濕春雨

卷書閣

机雲佳兄弟胸中几石渠
万事資不理三篋補
有餘它時策高勳已復得
異書安用結飛樓
傍架時卷舒

舒款軒

淵明磊落人啾唧
倦吟諷聊將舒款聲
一為洗
喧闕寄言臬鏡徒
請勿恣嘲哂君看
半嶺間依稀
稀有鳴鳳

越香臺

佳木寄深塢自与春有期
幽姿誰復省軒之
頗務持真賞儻已逢
清香裛人衣士為
知己死此語良不欺

容安軒

生理湏几何安分一枝足
向來高明中百鬼作
禍福何如此衡茅
長年樂幽独今上御名
勿將蝸牛輕比
蛭与觸

金華老人分老潘點漆墨十月二十三
日夕雨新霽弄筆北窗戲作此語華嚴
經云頌彌山筆大海聚墨不能書寫一
字法門

老來窘几漫塵埃誰与潘郎點漆煤一字法門
書不得又挫風月作詩媒

東窓对雪六言四首

月現雪臺何處瑶林玉樹誰家幻成銀色世界
兩此天女寶花
天淨銀潢漱々林寒玉佩珊珊有月時翻瑶草

無人來踏瓊田

擁鼻駝裘不暖澆腸蟻榼還空助我茶甌玉雪
煎成石鼎松風

睡起山鷺堆玉詩成研欲敲冰飄瓦莫嫌碎點
打窓留伴寒燈

聞雪二首

黃昏雪意未全成寒入重衾曉更清風裏未看
穿幕片夢中先聽打窓声

朔風初喚夢魂回曉枕時聞急雪來未有春衣
堪換酒明朝誰辨送寒杯

次韻莊簿對雪

月姊雲冠玉作膚白鸞飛鞞下天衢欲酬平地
雪三尺正要澆愁酒一壺林下閉門須好句廟
堂調燭費嘉謨它時瓊珮朝銀闕共醉寒江記
老夫

讀外舅高晉翁詩集

結髮論人物傾心慕老成掃門嗟齒暮洗眼失
冰清心苦彈冠嬾名應脫屣輕眼高空爾輩醉
熟自平生長嘯蘇門冷微顰下蔡傾千兵森武
庫五字築詩城鮑謝篇章廢陰何句法精顰牙
徒自放貞耀復誰旌草露功名薄春雲歲月更
鴨頭江自綠馬鬣墓還平蹤跡荆襄在文華劔
佩榮塵編愁獨把清淚一縱橫

吳幾程許分蠟梅栽二首

林下幽姿恁殺人書來分我月黃昏杜陵老子
堪憐許枉乞挑栽一百根
越羅新學染宮黃不着紅藍一點粧移取綵衣
歌舞樹莫教曉夢怨餘香

幾聖以三詩寄蠟梅栽次韻

寄將琢玉風前句剪送和香雪後枝要識此花

真面目細看無色畫中詩
釀蜜成花比似難移根深恨
老來看豐肌弱骨
須調護可怕寒梢白露團
慣見江邊雪樣梅此根常恐
自天來懸知老去
醉中眼便是姚黃花嬾開

次韻沈給事對雪長句二首
時元用守宣

灑天飛雪披長鬘落絮索風
醉後觀塞上食鹽
公獨記月中回掉我知寒已
書上瑞歸天闕又
挽豐年到筆端懸瓠功名知
有意微生底處更
求安

翠峯失千峯與萬巒爛銀宮
闕聳竒觀樓空翠濕
衣裘重詩就風生齒頰寒
聊與江山分絕致浪
陪樽俎問更端莫嗔郢曲
無人和七子風流負
建安

次韻莊時然徽州山下見梅三絕

凍蘂寒梢也自芳斷橋深塢
獨聞香山中行處
花吹面馬上歸時詩滿囊
雪後花開人未歸津亭誰共
把寒杯句中解道
梅如雪夢裏可無人似梅
春到梅稍雪作堆庾郎愁眼
為誰開白龜城裏

未曾見徽嶺句中渾寄來

雪將晴聞梅已有開者

臘雪自知春欲回凍雲元不耐朝暉便須急買
尋山屐莫放梅花一片飛

題雪堂大研一首

河間多書人共知未見紫巖方玉池東坡老人
上天去流落人間君得之寶匣初開眼先眩相
約君家與同看麝煤灑霽雲滿天尺璧堅溫玉
微汗峨眉山高兩蘇出自是斯文有秦漢先生
著書書滿家曉得窮愁坐城旦只今虜尾人爭

傳異時龜跌不須斷百年榮辱一夢餘空與高
人作竒玩安得大手揭陽君為我銘此元賓研

次韻具茨老人觀臘月十五日按兵

六花陣合紅滿川鼓鞞聲喧旌暗天錦裘繡帽
不動鞭晉鞬兩弓誰更先城狐社鼠空百千一呼
辟易投戈鋌礮礮畫射蛟螭淵妖星夜落蚩尤
躔穀城老父書誰傳可為帝師策萬全脫兔一
出忽復旋風聲鶴唳驚虛弦常山蛇勢孰後前
回頭八尾屢變遷何止內政分軌連部伍聊足
相糾聯勢如漂石奔流泉蒙衝未數浮江舡三

軍不用呼飛燕功成唾手豈待年長安賊平不
改鄜萬里玉關沉夕烟降王曳組未解纏白麻
曉下彤庭宣兵雄澤潞非公賢談笑自足空戎邊
沈元用太守和具茨詩張元明兩用其韻見邀

同賦

漢陽胡騎嘶秦川六龍御日升中天翠鑾親巡
耀寶鞭神武自作諸將先子陽盜據衆萬千井
中蛙腹不受鋌虎頭誰敢當文淵一洗萬古
空英躔風威已落諸蕃傳止兵伐謀軍貴全
固應玉陛當周旋朱轡猶此閱望弦安危以身

誰肯前顛扶國步整播遷勁兵出塞塵初連長
纓曳首來翩聯盡驅酋長朝甘泉未慚驃騎羞
戈舡先声旋下齊與燕稱觴拜舞呼萬年黃童
佩犢無征鄠農桑萬里通人烟蓬頭舞劒空腰
纏要分頗牧來藩宣古來千里制一賢長城未
必能防邊

橫谿小市再宿慨然有感

小市人烟南北頭清江賈客去來舟兒時風物
依然在老去光陰不柰愁可憐白髮無好意更
對故城思舊遊烟塵蓬勃兵火急歲晚掉歌歸

去休

夜宿長林明日遊仙壇宮

麻川過長林路轉無百里積雨斷津梁日亂十
六水忽從岡阜間稍得千家市凌晨上仙祠遂
作折屐喜水流自汪灣山亦甚雄偉小邑頗下
臨樓、屯聚蟻一笑相與言黃冠有仙子為言
底前菊霜餘爛黃藥採之制顏齡可以堅髮齒
不須事虛曠至道亦良適神仙固可孛吐納乃
餘事斯言雖甚簡中亦含妙理

星源逢仲共兄弟別後道中奉寄二首

曉色淒迷客夢長賈胡留滯更它鄉自隨匹馬
家千里眼見故人天一方霜落駝裘朝着帽雨
來山驛夜分牀与君相別無多日已听鳴鴻欲
斷腸

十年四海不解甲一日三秋更憶君別後光陰
逐流水老來蹤跡似浮雲心懷豈壑情雖在眼
暗風塵首重分滿眼尚添新戰骨何年真起故
將軍

苦寒二首

朔風吹雪天漫漫厚地欲裂江水乾懸知北客

未省見太古以來無此寒冰簷垂筍風撼屋布
衣生稜体生粟老翁炙手厭朱門明日晨暾更
堪曝

天容黯慘悲風吹寒日欲出寒雪垂千門晝閉
人跡絕萬里長空鳥不飛豺虎踞寒聲怒急行
人指墮毛為立易水風高燕地寒白頭書生望
雲泣

具茨老人讀書寮

具茨四壁無斗儲載行書多常滿戶膏中鬼蟲
幾石渠三篋補亡無復餘起居誰不解何如校

書著作虛詔除元、本、旁、古初雌黃付與金
銀車竭來窮山歲三徂催科政拙民力蘇黃童
佩犢耕菑奮戴白未見空歎歎赫香晏坐臨綺
疏三年不識園中蔬邇來結屋聊卷舒手抄平
生未見書曼倩兩目如懸珠四十四万何多歎
較公所得无錙銖門生讎校誰每居我欲從公
路鬱迺着鞭何時跨蹇駟不求奴飯馬青芻得
公奇字歸自娛

送元具茨歸黃山

元祐宗師數程朝兩公分路久揚鑿具茨人物

真奇偉雙井風流來寂寥可怪魯山猶薄領不
應聳叟是漁樵何時收拾江湖句歸作歌詩補
舜韶

太倉稊米集卷第十三

太倉稊米集卷第十四

詩四十九首

乞蠟梅

老翁真是可憐人却覓花醫病眼昏乞取踈枝
更踈蘂莫論桃葉又桃根
臘尽冰消未見時春風應入近南枝懸知老樹
開花早苦恨幽人得句遲

秀淮亭晚眺時往無為

未作三吳去東來且過淮要湏煩曉浪聊為洗
風霾飄泊從人笑窮愁費力排平生臨水意老

去者為懷

次韻趙師是題烏江連雲觀二絕

項王才器固無雙
秦鼎雖輕可獨扛
豈沛故人如不用
濟師猶得問長江
連雲臺上倚欄干
着眼何妨
盡日間公子胷中
有雲夢更須為助借江山

送潘澤之尉南巢

潘若虎字擇之思勝入仕

潘郎胷中有文藝
白駿青衫初試吏
少年欲射漢庭策
晚乃去作南巢尉
寒听結屋八九椽
導騎挽弓三數韋
但願君如梅子真
人物風流亦

何媿

題善應師母我菴

醫僧日成

今君無我亦無人
誰識毗邪妙悟身
宴坐只應山是伴
夜禪唯與月相親
支郎好馬元成癖
懶瓚垂洩却是真
更待衆生揔無病
萬金良藥不妨神

元夕訪忍母我已睡復起

殘缸零落數枝紅
春在空濛薄霧中
月似冰輪人似玉
車如流水馬如龍
山僧睡起三更後
遊客閑來一笑同
明暗短檠君莫厭
此灯無尽法

無窮

次韻忍母我春日三絕句

暖入平林轉鳥雖日烘花氣滿庭隅道人元不
關春事肯把新晴餉客無
雨餘繞屋一渠水日落滿簾何處山我亦時來
開病眼怕將春色照愁顏
春意全灰病後心粥魚齋鼓听禪林鳥啼南嶺
夢初斷花發故園人懶尋

燈下讀韓致光外集

吳宮花草弄纖柔西子粧成特地羞笑我老情
難斌媚愛渠好句盡風流香奩詩在人何處斷
腕名高事已休更欲與誰論此恨遺編讀罷一
燈留

春寒

寒意苦未解春陰連晝霾文書堆午枕風雨閉
寒齋花落空鶻眼愁多欲滿懷客情須一醉安
得酒如淮

試湖陰徐道久笔

山中三窟遭蕩熱十年遺種無仍雲管城已老
既謝事柔毛遂出收微勳騷入手握奴隸管人

間自此無猶董徐生晚出頗自喜妙技天與人
皆聞羝羊退舍粟尾避族非東郭不肯論往歲
江南說諸葛至今有口皆能言眼前厚利聊取
足身後典刑寧復存駢牲自是犁牛出忠臣豈
但孝子門古來取士貴闕閱未必立成俱有孫

送孫秀才兼寄達道人

當年御史凜霜風見說金城玉面驄汗簡有名
知不朽皂囊無藁豈非忠夢思故國兵猶滿身
落他鄉路更窮只有老禪真具眼識君應在典
刑中

臧鮓

放筴朝盤空食指昨夜動軟玉開香色桃花點
春瓮平生江瑤柱異名實同用何當登禹書永
作淮海貢

淮寇及境而退喜甚成詩

近喜橫戈寇南來偃旆旌瀕江猶樹柵帶甲謾
持兵夜柝初安枕春田已趣耕使君今尚父應
便是長城

題米元章祠堂

繡谿遺跡已茫茫父老時能說漫郎蒼碣尚餘

唐翰墨古祠猶是晉衣裳旌旗還向江湖老簷
廡空悲草木長我亦敢持寒具手為公來炷影
前香

次韻魏定甫早春題詠

臘雪初晴梅欲花有人聞說鬢如鴉清詩句引江
南夢應向今宵還到家

三十六番風未回微紅難倩剪刀裁魏侯句裏
有春色不打涼州花自開

雨後桃花可意紅一川楊柳醉春風舞夜歌舞
重撩理百尺朱樓烟樹中

白頭憔悴未歸身羞作須江入社人自是愁多
無好句不閑詩瘦與傷春

柴扉春亦借融和客少高軒誰肯過醉裏我應
慙畢阮詩中君合是陰何

正月十八日謁客意甚不樂已而過正
師猶未起書小詩窓間而去

玉壺花暖日烘窓奪我寒衾曉夢長慙愧高
人方擁鼻小爐沉水宿殘香

張老借東軒晝睡

誰言知處是閑愁一入華胥萬事休借得東軒

还宿顏何須雲夢澤南州

畦蔬一首并引

余旅寓既久而食益不足乃畦舍西之地植野蔬而食之聊以當肉課藝有成情見乎詩
倚嗟老人如水中搓携壺挈盪泛宅浮家飄然
北來寓此一蝸食無畎畝衣無桑麻藜苲滿腹
雜以覘蝦以鼓我腹妻孥笑諱旅人之食豈曰
不腴不足則求我顏亦覘乃即舍膈蒿菜是剪
藝此春蔬侵畦覆蜿而葉風枝忽其滿眼擷之
掇之以芼以烹聊以當肉亦足彭亨搖喉澤吻

茹菹啜羹如天酥醅飯在家僧彼哉膏粱孰為
重輕安得長江載揚我舫買地五畝抱瓮躬耕
駕言聿歸以畢餘生

解人敦武郎富君為余言解池廣二百
里其利不貲又有六小池官雖置戍以
為厲禁而民實擅其利或悉以屬縣官
則鹽不復成其事頗怪作小詩以紀之
天意懸知機有餘小池分水計非疎誰知當日
蕭丞相亦解區、說海魚

春日小詩三首

亂離回首又春風江上人家一半空燕子多情
依旧舞桃花無語可憐紅
烏鸞街紙欲成窠寒食霸愁不柰多夢到鹿門
親上冢花前老淚欲懸河
兵戈無地可窺臨風物依然愴客心未有嘗時
春欲尽已無花處綠成陰

抄宛丘先生集見和許貴州詩因以悼之
臺閣諸公尽要塗一麾新拜嶺南除當時為我
歌新句別後何人笑計書夢斷世間青瑣闥醉
傾天上碧琳腴平生交舊晁張輩餘子紛紛可

作奴

米元章為須江太守聞有恠石在河壩
莫知其所自來人以為異而不敢取公
命移置州治為燕遊之玩石至而驚遽
命設席拜于庭下曰吾欲見石兄二十
年矣聞者以為言坐是罷去余遊濡頰
而石犹在詢之邦人信然乃作此詩
漫即與世苦不偶做儻如公世安有平生李書
筆似錐晚歲得州大如斗淮西道院長江邊天
公付与公高眠使君閉閣作奇字門前白浪春

風顛人言異石天所出三十六峯如洞天亟呼
我兄更再拜俗眼相看頗驚恠喚錢作兄真可
憐喚石作兄無乃賢望塵羅拜良可笑米公拜
石不同調愚智相懸乃如此何嘗人間三十里
是非從右無公論彼此相笑何時已崢巖對客
初不言堯桀紛々渠自爾

芍藥今歲着三花

春歸那肯為儂留尚有三花慰客愁十里紅樓
卷珠箔不知誰占古揚州

羣山臺暮雨

傑觀凌寒江朱欄俯平野群峯江上來屹立羅
萬馬山容多態度顯晦入模寫朝雲結烟鬣翠
色遠相射夜月橫修娥娟々亦閑雅天生此尤
物政復為閑者馮夷翻怒濤泏々激風榭神女
亦將雪時從楚臺下造物出奇崛娛客助揮灑
時方苦積潦百里無十舍我雖非官曹對酒那
忍把人生急行樂有味如啖蔗悲喜有乘除歸
愁取長夜

湏江暮春雜題三首

三月陰晴江上天江花落尽水平川紅蠶老去

桑岳堪黃鳥飛未柳撲綿千里心常懸夢裏十
分春揔在愁邊時更謝蘇司業乞與扶頭沽
酒錢

湏江旧事与誰論
万古悠悠入夕暉
楚子名今推伍伯
阿瞞功独盖三分
空埋治父山边骨
已散濡湏塢口軍
欲為英雄弔遺跡
筆頭無古戟
場文

淮上風埃滿客衣
二年樓閣送斜暉
心如落絮隨風去
春与残花作伴歸
塞外夕烽悲鼓角
江邊飛雨濕旌旗
只今便覓東臯路
已失南山種

豆期

寓舍雜題三首

久作乘風去重尋
聽雨眠更無輕絮
落又見小荷圓
芍藥何人種
莢葵一笑妍
亂離歸未得
且復此經年

老向書中得心因
病後衰朽身是夢
種鬢成綠鳥自知
時節人猶說亂離
倚樓天萬里無地
置吾維
客路猶飄泊
江山未定居
賣刀安得犢
彈鋏竟無魚
一飽非难事
平生不願餘
但能休旅枕
便

可稅征車

寓舍有井極深而寒今歲大暑日汲以供盥濯喜甚賦此

重廊陰；與天隔下有井泉餘百尺下垂脩綆已復寒深注花甕不勝白山城夏旱百井皆盥濯從誰問涓滴暮年來此看老黥日倚銀床卷深碧炎官火傘空自張玉川清風已生腋翰林醉熟呼不醒宮中誰賦花娉婷中人傳詔玉起立井花吹面詩還成詩成白雪真同調咫尺回姿妃子笑此即自是醉謫仙肯作官家詩待詔此

憲老子貪晝眠蓬頭突鬢良可憐但將飽睡長健安得新詩追昔年我生無譽亦無毀老去功名薄如紙日向山堂洗睡容空費君家一壺水

六月十二日過笑菴道人頗出近詩

無人與作繡川遊共看荷花一兩秋乞得道人三昧句破除千斛庾郎愁
來尋午枕林間夢分得羲皇窓底風且与笑菴同一笑不知家在大江東

笑菴兩和前韻復作二絕

莫把須江作浪遊笑菴如水氣如秋但知有道

能忘我便恐無天可寄愁

新詩時出笑談中清似松江夜雨風
來入句老夫真欲媿遼東

徐使君送冰

江南地暖不藏雪六月無冰破煩熱俱在炎官
火傘中渴死行人不堪說今年渡江當入淮
人蔭子恰復開淮人謂藏冰處為蔭子眼明一見玉壺面
歸肺腑無塵埃使君忽遣鈴下走金盃分似來
鈴齋方圭圓璧不可數玉峯中立高崔嵬蔗漿
退舍不入口井花避席當停盃我生生甌安得

此借以清風亦聊爾明年公復待甘泉御府分
光照憲几却憶敲冰餉野人回望江城在千里

寓秀師房

寂々疎窓秋更催斑々菊蕊為誰開山曾有約
終相負鳥解嘲人怪復來閱世了知心是夢倒
床須放鼻如雷又從白足西菴老共試齋餘双
井杯

雨過涼甚

在脚蜿蜒苦未收亂雲携雨過西州倚欄斜日
到煙樹回首數星橫夕樓樂歲豈閑霽客事好

夙聊為老人留
今宵枕簟涼如水
人向華胥作
爛遊

望黃山

宿雲忽解剝曉色明朝
瞰高秋寓遠日万象秋
豪分群峯雜還來突騎
縱橫奔驂獨驤首迴
出凡馬群嵩高實維嶽
羅列如兒孫玉京與金
闕亭在雲岫群仙驂蒼
虬冠珮朝至尊往者
風露夕妙奏聞清圓名
理以絃歌異事父老傳
丹成已仙去流脉在山
根至今茲山下幽泉湛
餘温安得從俗沂聊以
濯我冠一沐去塵土再
沐生羽翰朝遊參安期
暮躅追羨門振足八荒
外垂手青雲端

太倉姊米集卷第十四

太倉稊米集卷第十五

詩四十七首

次韻鄭使君白菊

平生鄭康成不種花嬋娟但聞書帶草羅生滿
堂前佳菊苦解事殷勤為公妍紅油護霜日一
笑真嫣然秋風轉寒枝束素爭回旋團欒五芳
砌皎若璧月圓使君頗牧手年來出臨邊燕行
自折衝賓從時招延苦愛白玉姿臨風嗅芳鮮
揚州東閣梅自此誰復憐安得白雪詞寫入朱
絲絃淵明眼獨醒載酒知誰先騷人茹精蘖

精蘖
謂菊

語在楚詞世塵聊自蠲幽姿倏已空二士窮益堅人生
五馬貴行樂須何年絕勝杜陵老江花惱成顛
才名與富貴似公真兩全新詩如脫彈一出万
口傳鋒車行復來琬琰珠未鑄且當對香雪燕
寢凝沉箋

次韻遠猷旅夕二首

西風滿眼莫登樓回望鄉關去末由晚色不催
金絡馬夜燈空夢玉搔頭梁王行識相如賦楚
國方悲宋玉秋萬里長途知不晚一杯聊為老
人留

久占無何作醉鄉人間萬事只逢錫潘郎已老
謾華髮夢得多情還斷腸政恐新愁無處着不
知清夜為誰長煩君試草思歸曲付與蛾眉小
抑揚

王將軍以李伯時二馬遺張天民

龍眠筆意天與妙尺素幻出雙驂駒一馬不動
尾四蹄踏鐵邊風秋一馬爭前趨平坡欲下方
回頭兩馬交頸萬里愁龍媒未免羈長揪風鬣
霧鬣不受囚錦韉坐遣駑駘羞將軍六郡良家
子卷送歸君深有意蹶如歷塊一過都便恐談

笑無狂胡人間豈有渥注足不與天驥爭長塗
草黃沙晚天欲黑縱有權奇少人識眼中千里
不易得時危願爾一努力

須江雨中

須江樓上倚秋風草樹荒涼故壘空吹盡角聲
人不見畫橋和雨繫艤艫

澤之得鹿割解見餉以詩為謝

潘郎尉居巢月止萬錢俸遙憐寒孟郊午食勤
夜誦空庖無雞豚敢設亞父供南巢有亞父并官吏至者例必先祭乃敢從事畢見東漢
陳如何得伊厄割解勤遠送老夫極驚喜見曹

亦嘲諷憫我太常齋此意君良重飢腸整一飽
狀若蹲鴟凍茅簷坐局促山禽聽曉哢安得隨
少年短衣飛晚鞞燒野得驚麋即之那忍縱啣
寒聲微麋麋一矢中聊復從左孟獵我江南夢

春秋左氏傳曰江南之夢社
預曰楚之雲夢跨江南北

秋意三首

雨細方淋露雲疎欲護霜老情常落莫秋物半
青黃榆塞弓窺月天田馬犯疆防城江上急時
鄴近重陽八月露下而雨謂之淋露九月霜
降而雲謂之護霜皆東南方言
老去何曾健秋來白髮新萬方多難日四海獨

愁人論媿傾三耳年今已六身太平猶眼見知
復幾青春

病骨侵侵老清愁日日深寒添青_女鄧霜與木
身○共雲無定愁隨月滿林幽蟲泣床下可是不
知心

次韻遠猷東池晚思

多事馮公子含情不柰秋東池寄飄泊畫舸信
夷猶烽尚連三月詩應擬四愁且須傾酒挽未
可喚歸舟

次韻元素見寄

秋來烹鯉得明珠頗勝當年獲異書里社相從

真是伴江湖作計未全踈愁須強把樽中蟻老
亦寧思紐上魚回望花姑谿北墅可能無路到
莘胥

人間何處不蘧廬匹馬來遊偶束書歲晚光陰
頻入夢鴈來消息莫相踈淮南乘興非閑米筋
下烹鮮喜有魚避地偷生落閑處功名無復似
包胥

次韻王彥猷參謀避胡山中寄茶字韻
詩卷

詩如摩詰自名家未數劉顛賦雪車問字誰携

子雲酒敲門擬送玉川茶回頭拾得風前句掃
地先除眼界花老去無緣渾似夢相隨真欲問
毗邪

扁舟流浪作浮家病齒彫零脫左車千里歸心
秋後鷺一年春事兩前茶它時我自開三徑此
去君當判六花相見已還平日願豚蹄何用祝
汙邪

續溪秋晚二首

羈客三年別風裘九月寒暮鴉啼日落紅葉墜
霜乾池接淮山遠天浮楚服寬須江無父老舊

事說曹瞞

不作黃花夢空悲紫塞秋淚懸江上點心結兩
邊愁久客猶千里殘年念一丘倚欄多少恨暝
色滿江接

歷陽道中二絕

斜照孤村一水閑維舟盡日柳陰間此生已作
淮西夢更看江南隔岸山
江邊孤壘古濡須燕悴斯民百戰餘賴有豐年
慰羈客軟炊雲子薦鱸魚

將別須江作

落葉江頭楓樹枝
秋風又入去年衣
淮南米賤聊乘興
笠澤魚肥却念歸
老境但知隨物化
幽斯常恐與心違
群山堂下山千點
不見祠雲作兩飛

九日郡樓獨坐

西風斜日可憐秋
已作重陽更上樓
門外白衣來獨晚
坐中司馬醉應休
茱萸香在人何處
黃菊開淚欲流
山意娛人不勝好
苦無佳句若為酬

過雨二首

短日收殘雨
西風送夕陽
時光雙去鳥
世事一炊梁
卷箔山堆案
翻書月滿囊
諸君方給札
不擬獻長揚
自落山邊日
孤飛雨後雲
樹將風報客
天遣月爭曛
詩若窮堪忍
胡強老怕聞
殘更隨夢盡
長日與愁分

次韻黃子才野步飯懷禪師道場

聞說尋山屐
閑穿近郭村
眼明山淨綠
心愛水清溫
幽事付餘日
狂歌終放言
地經殊代遠
名為老僧存
境勝醒朝梵
蔬甘飽夕飡
僧應只靈

運客或是文園覓句聞吳詠投文吊楚魂夢時
驚遠籟背喜曝微暎厯井窺雲窟窮山繞石根
蹇驢當復跨促席未容溫兒輩休嗤點吾曹自
引援獨醪聊共把蠹簡付重論歸和山中句挑
燈老眼昏

十六夜月色甚明與客棹舟至晉寧寺
昨霄明月共千里今夕極天無一雲不知誰令
太虛空看此皎皎白玉盆長空與月慰愁眼良
夜得酒舍微醺天公有約不可負急蕩兩漿凌
江瀆更携江上滿舡月來打寺下三更門脩廊

夜寂風葉亂古佛不語殘膏存老禪竟夕但拍
手狂客數輩空餘樽高談劇語天亦怒白壁故
遣雲相吞人言禍福真倚伏歡常有餘飲不足
篙師趣客歸去來夜半風顛浪如屋

朝盤二首

郭索何人捕草泥朝盤新見玉團臍却思烟雨
江南夜紅火青蕞入稻畦
江近秋深足鱸材半青振子帶香開黃金鱗鬣
丹砂尾落紙看成白雪堆

埽爐

秋風吹孤鴻浩蕩去鄉國心悲淮山秋家近楚
江側囊無狐白裘奈此風雨夕經營尺寸地便
可寄幽寂埽爐規舊製蒲團買新織雖無琢獸
紅可醉珠履客會當與狸奴曲肱分坐席急雪
度寒飈夜窓鳴淅瀝詩成兀醉夢殘缸耿虛壁
何必遊八關吾手自可炙

山鬼行

黑風夜度鷲鶴高黃狐出窟山鬼號江空人靜
雪飛急城頭擊柝催鳴刁老翁愁寒小兒哭薪
如黃金米如玉將軍半醉獵城南鐵馬敲冰響

山谷

次韻明叔九日見懷

準擬重陽共一杯幅巾臨水復登臺飛花撲面
君相送落葉滿山人未回故國只憑幽夢到斷
腸頻寄尺書來此生終向江湖老黃菊紅萸糝
謾催

十月十九日江晴放舟

雲靜天無滓霜晴日乍暄風平初放纜江穩自流
舡賈客眠吹笛篙工坐意錢吾行聊爾耳百丈
莫頻牽

雪後殊未有梅頗懷故山二首

淮山落莫水蒼茫
雪在梅稍冷欲檀
要與玉奴蘇凍骨
不知誰有及魂香

真色生香無世塵
參橫猶記夢回人
風前懊惱梅花使
不寄江南一點春

玉靜翁言客有賦食虎肉詩者詞甚壯

要余同作

六郡良家家好武
相試翹關來征虜
夜從惡少數十輩
醉上南山縛驍虎
短衣疋馬不挽強
虎而有翼誰敢當
旁觀睥睨方縮手
一鬻割鮮君

已嘗平生飲血如甘露
羞作車中三日婦
但當一飽不挫喉
誰說萬錢難下箸
寢皮食肉君勿嗔
虎為人害當復去
可笑長揚射獵兒
日暮歸來數狐兔

次韻黃子才冬至日醉卧王丞家夢還家如平時

黃郎本天才
驥足尚少屈
平生嗜煙霞
投老成痼疾
乞食方叩門
携幼未入室
何為作斯遊
瘦馬醉自兀
朝飢乃見驅
妙思何由逸
誦君思歸吟
感我羈旅日
道塗頗風埃
歲月苦飄忽
尚須

營一飽不愁屈兩膝可憐蓬閣姿未珥螭頭筆
丞哉苦風流威令寬且粟懸知千里駒肯為牢
之出胡為倚寒窻清夢恍若失但愁一線紅又
過白駒隙婦眉誰與畫旅髮歸可擲呶嚶兒女
歡餘事聽造物

次韻趙茂鄉書事

自昔人高馬服名曾中有策似金城玉階方寸
何由借榆塞風塵幾日清萬里有家無夢到一
樽和淚與誰傾竹西回首揚州路腸斷故園春
草生

王彥猷用色字韻見貽和答

人生殊用捨初不繫失得念君岳天鵬未作六
月息佳人絕代姿蛾眉本傾國人皆倚市門厲
乃有國色風雲儻後遇富貴或見逼一朝得天
驥遂可空冀北况今登俊良百吏歸黜陟洗眼
看橫飛故山勿輕憶

治父寺

楚俗樂戰鬥征誅專莫教蛇豕肆吞噬一舉夷
蒲騷潛小器良易盈舉趾凌霄輕敵取敗劔
縊死由矜驕淺識耻鄧曼安在誇雄豪至今治

父山遺跡真寥々何年化龍宮金碧爭岩堯耽
日羣於菟踧伏尾自搖乃知道力妙智數何能
高曩者羅與楚蟻忽較一朝慈哀洗萬劫自足
消兵刃道人結界地遠引離喧囂欲禮大士塔
恨無野僧包臨風一悵望短髮空爬搔

賈主簿家蠟梅

臘月邊城風雨沙帶香誰剪蠟梅花寒燈枉作
江南夢春在墻東主簿家

僕將南歸笑庵以詩見留次韻

思家一日似三秋病眼凄然怯上樓十幅風蒲
催我去數枝煙竹為君留還將曉枕燈前句分
作孤蓬雨後愁便合北來尋老伴人間何處有
湯休

掛席

掛席下晴江歸從我北憲年今真晚晚事亦付
竒厖酒可澆腸飲胡誰緩頰降買田如有路誓
欲老吾邦

歸自頹江泊舟于湖舟中書事

一自胡塵起飄零十載過危情窘荊棘老眼暗
干戈草草真聊爾栖々可柰何功知麟閣晚興

在鹿門多避地依淮浦傷心聽楚歌
邊烽明夕嶠戍鼓擊寒波江控曹公塢
山連治父坡憑高懷更遠弔古事應訛
久客橫歸棹長年著短蓑風高飽帆腹
潮穩轉山河漸喜鄉音似還成醉臉
醜淒涼想茅屋留滯厭江沱井邑踈
星火津亭長薜蘿連墻自來往壞壁
本嵯峩蜂目今何在黃鬚跡已磨餘
生能幾屐急景付飛梭歲熟如堪隱
詩成可自哦平生南畝願無地與婆娑

復故廬一首并引

詩歸自無為

余拙於生理閉居寒餓無以自活頃江主人惻

然念舊挽而之淮客寓逾年妻孥念歸乃返故鄉
有廬數椽為貴公子居縱客夜飲籬落俱焚久之
見還開門入室酒肉餘臭不絕于鼻稍加營治而
居之四顧雲山頓還舊觀喜溢于中言不能盡聊
寓短章以寫我心

我卜我居于城之隅繚以群山帶以清渠日出
扶桑月翳金樞朝雲夕煙變滅卷舒喬林豐草蔚
其周廬群書在床濁酒在壺蹒跚躡蹻亦復晏如
誰水之遊誰脂我車遠其歸而四避其徒柔柯既
剪稚竹日踈山為改容木為橋枯吾亦

浩然言念歸與今我來思為之躊躇屢屢在門
鞿勒在塗駕言曷歸杜門實娛寒止鞞瘵飢止
瘠癯人誰不死焉識其餘

雪後留報思方丈三絕

文脊坊邊雪作堆報思溪上凍全開一天雲葉
卷風去四面玉岑攢馬來
澆睡莫教茶乳薄留香不放畫簾開道人知我
無餘事特為尋詩借榻來
老禪心地已如灰愁眼能令一笑開落日無情
且歸去梅花若在却須來

張元明羅仲共賦郡池白蓮僕時在淮

西十二月中休方德修始出巨軸追和

花似當時傅粉郎不須湯餅試新粧固知桃李
魚國色猶恐蘭蓀是俗香人在匡廬新結社詩
傳淮楚夢還鄉波沉不見香羅鞞空向牛膏得
夜光

送舜卿遊建昌

雷震龍字舜卿好談兵出入軍幙

并門當日倚長城笑遣妖兒卷旆旌江上長鯨
知己滅草中封豕不勞平十年當念瘡痍苦此
日寧論戰伐名虎帳夜談資婉畫為言奇策是

休兵

太倉稊米集卷第十五

太倉稊米集卷第十六

詩四十首

官軍屢捷淮寇漸平五首

北來驍虜盡成禽
九廟行聞奏凱音
從此燕齊如振稿
將軍勲業似淮陰
擁道行人撥不開
檻車行看縛戎魁
羽書便恐推門入
知是淮南露布來
風聲鶴唳是王師
大似秦符欲破時
黃屋乍聞天一笑
此歡應有近臣知
棗熟梨黃河朔秋
頗聞箕歛不勝愁
迎師已欲

携筭食鬻商何勞費萬牛
新得降蕃壤地開玉觴爭奉萬年杯明年御棗
紅千顆又見青徐八貢來

立春日聞捷

未獻椒花頌先頌鳳曆春
亞釵雙燕小岳鬢絲
幡勻兵已知胡遠歡應與歲新
遙聞漢天子喜色動中宸

題李彥恢家龍眠七馬圖

古來畫馬知幾人當時只數曹
將軍龍媒兒得照夜白七十萬匹
空雲屯但令韓幹作弟子夫

許帝偃窺藩垣風流掃地五百載始得龍眠空
馬群龍眠自是天下士膏中元有真騏驎寧王
玉面久不見風驟霧鬣驚猶存四蹄翻風不受
繫意在萬里寧馳奔安能局促鹽車下更與蹇
驢分短轅先生既老誰入室後來只數城南孫
孫郎繼死骨又朽人間此馬如浮雲勸君掩卷
勿浪出世無九方誰與論

題彥恢家仇池四石刻

伏波南來自交趾可笑汗牛推蕙苾人言包裹
足珠犀誰識閑身謝簪履如何當年元相國膏

中飽飲貪泉水胡椒八百亦安用坐此殺身真
可鄙龍眠主簿亦兒嬉銀鈎蠶尾搜遺竒三年
獨有一錢在歸來清節人皆知囊空安得紫絲
帳車重只餘黃絹碑自言所至輒寓目窮搜屋
壁翻階墀不嫌尤物觸時禁恍然入手心驚疑
君不見嶧山篆刻焚野火磨崖萬仞高崔嵬何
如四石橫棊枰左提右挈行相隨

正月十五日同圓明老師渡谿西雨作
不可回三絕

伴師同挂一枝藤野岸凌兢踏斷冰老去莫辜

元夜眼試憑江閣看渙燈

一云風雨却知是元夕共馮江閣數漁燈

舊時好客孔文舉無事長閑支道林燈夜羞歸
對妻子傳柑知我已無心

一別風塵客恨長鳳城燈燭記微茫人生相見
知何定夜雨重來此對床

次韻和荅圓明老師二首

平生作劇謾逢場扣鑿由来苦未嘗笑我彈冠
方適越看誰紉佩獨沉湘捧心政恐元非病怒
臂前知不自量它日小松山下路合分風月與
徜徉

回首雲庵日又低孤帆歎度晚風吹
桃花水暖相隄去蓮葉舟輕隨棹移
老罷轉知身是夢愁來只有鬢成絲
人間無地安雙足萬事從頭媿老師

次韻元素賦余新居

一樽能此共窺臨草色淒迷步履深
黃帽青鞋聊偃蹇白衣蒼狗自浮沉
瓮頭酒熟湏同把憲下詩成亦共吟
待得吾廬真可愛更湏繞屋楸成陰

元素再邀同賦

載酒何人肯見臨情於老伴莫嫌深
誦君詞賦疑仙去笑我功名付陸沉
且可閉門留客飲不知擁膝是誰吟
幅巾趨取春猶在來聽黃鸝喚午陰

元素再邀同賦

家住三峯頗下臨畏人小築不辭深
南齊謝老棲空在東海麻姑信已沈
恨子不當青瑣闥伴人猶作白頭吟
我窮無物能娛客只有蒼梧滿地陰

望故廬一首 并引四言

余有先人弊廬邈在城南建炎之亂焚蕩靡餘
其後徙卜陵峯之巔下視舊址隱然在目前乙
卯季春二十有六日晚雨新霽夕陽滿山遠目
所寓可數毛髮稚子指故處以示余望之悵然
念昔遊之如夢悼海宇之未寧乃繼前篇聊以
見意龜城去江邈在一隅我家龜鑑亦足軒渠
草耕木茹瓮牖蓬樞有客二人實邀望舒長鬚
之奴玉川之廬何必先去方丈蓬壺何必校書
起居何如無禍為福徐行當車我乎誰交誰乎
我徒春蛙嘈雜夏木扶疎大盜遽起山摧海枯

我焚其巢將焉適歟善刀而藏為之踟躕望我
故處宛其在塗我友云亡云誰與娛願洗甲兵
肉四海臞莫我新宅以飽三餘

次韻趙戒叔燈下見榴花明日重午

醉帽風前看榴花燭下看嬌妍為誰好流落未妨
歎故國應千里歸塗夢百盤明朝是重午努力
願加餐

次韻戒叔增明閣晚眺

未閣瞰流水曲攔橫晚天薄雲初過雨高柳却
鳴蟬杖屨且終日風塵今幾年莫將懷遠句重

訖舊林泉

劉公祠

劉晏燕人
戰沒

賦寇宣晏來解圍

昔歲金胡始南渡官軍夜遁如脫兔孤城何壘
累卵危賊至不殊群蟻附夜提王師來解圍燕
中老将如猛虎平明橫槊屬兩韃尺馬馳從賊
營去崢嶸但見虜可擒倉卒不知身已仆平生
三箭得天山白骨看成一丘土馬前斑劍不動
塵猶勝車中三日婦

送江子

六朝固陵夷佳士亦間出風流數後來諸江有

人物總持偉文采文通頗超逸清忠若休映對
賊能抵突定知蘇屬國不為延明屈斯人黃卷
中願見未可必誰知有來雲遂入諸子室相從
忽三年不見無十日人生會相別此別殊慘慄
相望耿江湖時危盜如擲願言如餐飯拙遲且
蓬華時來亦騰騫安用苦審勿尺素儻可通公
當念伊鬱

次韻聖謨見寄二首

十年悲兩京萬騎開幕府誰知鹿門翁遠引脫
罪罟吾衰固安用文字考前古尚煩金蘭交吊

說舊林泉

劉公祠

劉晏燕人
戰沒

賦寇宣晏來解圍

昔歲金胡始南渡官軍夜遁如脫兔孤城何處
累卵危賊至不殊群蟻附夜提王師來解圍燕
中老将如猛虎平明橫槊屬兩韃足馬馳從賊
營去崢嶸但見虜可擒倉卒不知身已仆平生
三箭得天山白骨看成一丘土馬前斑劍不動
塵猶勝車中三日婦

送江子

六朝固陵夷佳士亦間出風流數後來諸江有

人物總持備文采文通頗超逸清忠若休映對
賊能抵突定知蘇屬國不為延明屈斯人黃卷
中願見未可必誰知有來雲遂入諸子室相從
忽三年不見無十日人生會相別此別殊慘慄
相望耿江湖時危盜如擲願言如餐飯柶遲且
蓬華時來亦騰騫安用苦審勿尺素儻可通公
當念伊鬱

次韻聖謨見寄二首

十年悲兩京萬騎開幕府誰知鹿門翁遠引脫
罪罟吾衰固安用文字考前古尚煩金蘭交吊

此飢寒苦龐公不可見賤子何足取
青衫幾癡兒歛版上公府固應橫海鯨不可汙
池苦高才乏近用初不異今古功名亦偶然慘
戚良自苦富貴如公等唾手自可取

次韻木南

稀見贈

木廣莫自言是雍孝聞得罪
變姓名云

上章分得鑑湖春賀老前身恐是君常病藁猶
難共器豈容鷄鶩可同群已無苦若累累意頗
生奇奇怪怪文稍許白頭親杖屨少年功業付
終軍

鱸魚

山堂夜雨如決渠黃梅半熟書生魚樹頭朝日
忽復出聊向南階翻故書老人耕鑿無膏腴細
囊細字時相娛自欣引睡得黃妳便恐無意呼
青奴讀書本不求甚解姓名足記知有餘此蟲
何備徒飽腹死葬書葉真癡愚不如化石帆山
下蠶織成吳綾光滿眼乞與袁娘作舞衣常把
花枝侍君輦

西齋聞禽

時往池陽

西齋草樹頗蒙密竹暗城頭不通日風晴高柳
恰飛綿花盡黃蜂未成窠北窻也復可憐人亂

離十載空傷神病對青山疑是夢眼驚新綠已
無春霧懷有句暗不吐終日無言聞鳥語寒窓
窈窕不嫌風晚色溟濛却宜雨穿條隔葉止復
啼白粉畫眉金作羽應為山翁久慣聽聽久不
知心轉苦廟堂何日議銷兵擣手尚堪歸樂土
還我花姑溪上掾卧聽春禽轉挑鳩

五月二十九日對雨懷舊

危坐東窓日自長幽人不出雨何妨未論飽飢
三秋樂且說高眠一枕涼晴後却疑猶點滴夜
深應是更淋浪此聲有味知誰解安得君來與

對床

余既作前詩已而復晴客有誦余舊詩
者其略云開門更待西南月無客來分
上下牀聞之恍然如夢中語漫不省記
為何詩也乃和前篇以足之

貧共閑身味轉長雨隨農事不相妨莫嫌旅枕
喧朝夢要與書檠作夜涼黃犢催耕思莽蒼短
簾垂釣念滄浪開門更待西南月無客來分上
下牀

後二日望東南大雨久之白龍翔於雲

間掉尾而上老農云白龍見則早祥也
白晝鈎簾望處長初於眼界了無妨坐看雲嶺
埋烟雨聊借西軒作晚涼卷水翔龍方矯矯轉
山飛瀑更浪々豐凶許事誰能問獨對殘書月
滿牀

旅夕

秋雲翳長空微雨錢殘暑新涼入郊墟中田熟
禾黍秋蟲自知時入我牀下語西風幾何時秋
意遽如許曉色催鳴雞孤砧急寒杵遊子未得
歸留滯在江浦生理思田園飢寒念兒女持此

兩鬢霜世路復焉取起視夜何其江月方欲吐
便當隨孤鴻雲霄肅雙羽

次韻章季常見予所賦彥恢七馬四石
二詩

灞陵老将身未侯連城價重誰當酬龍眠三歲
亦何有滿載緗囊歸汗牛蒼珉照眼裂蠶尾尺
素抹電飛驎留春風吹晴作妍暖棊窓剝啄驚
紋楸慙懃喚客出奇玩一笑終日君家留此郎
胷中有奇策未能竟借前箸籌波瀾收斂入詩
律報章還得明珠投九重真龍想天驥入木入

法餘銀鈎只今尤物不到手空花老日生雙眸
章侯嘆息恨未見但聽寒雀空嘲啁平生款乃
不成曲無聲可和綿駒謳

次韻季常疊前作見寄

人生富貴如五侯祿豐位大功不酬朱輪皂蓋
令人羞一蓑不如歸飯牛自駕款段馬少遊勝
驟玉腕尚書騶少年蹭蹬在丘壑晚歲風雨悲
梧揪江邊短艇苦喚我此心勇往誰能留幽期
正怨齒髮悞事定不須龜筮籌言雖太漫君莫
笑與語俗人真暗投香杭炊熟碧鱸美橫江已

辨秋風鈎宵中它日幾雲夢四海不勞圖十眸
肯聽兒女昵昵語秋蟲悲笑徒啾啾陽春白雪
一落耳竹枝淒怨慙蠻謳

次韻馮遠猷觀水

帶兩山雲晚尚繁黃流先已漲江干海邊鷗鳥
恐不下濠上游魚誰肯觀錦里十家俱半壁龍
門八節定無灘早知四載歸神禹疏鑿誰能泄
浩漫

次韻子雍同達書記遊安林

江湖流落一烏巾同障西風滿扇塵試為支郎

吐幽句了知長吉是前身欲寬江上三年夢更
碾禪房一掬春不為相逢苦相挽行吟應在楚
江濱

遠猷家高麗松扇

三韓使者身堂堂手持漢節歸明光寶刀不受
戎王燕便面空含風露香雙鸞織花大如月凜
凜猶餘歲寒節莫將七寶畫團藥乞與誰家小
桃葉

西齋金鳳花開百餘日相繼不絕歎其
能久而惜群芳之不留也

昨日晴天花滿樹今日風前已飛絮閑花可是
天與紅著意東風吹不去偶然乘此花事空遂
擊春暉學飛翥人間此鳥久不出擬欲高翔入
鷓鴣驚凌傲風光不自羞狼籍空庭復誰覩自應
歛衽避芳塵一笑非閑迫遲暮可憐開謝百日
中浪遣花神費調護嶺梅何事挽不留零落風
枝怨寒泛

贈別木南稀

月下吹簫王子晉醉中騎馬賀知章無家只賣
文為活有酒聊憑醉作鄉夜雨對牀驚客枕秋

風垂淚把離觴閬州此去如天上說着城南只
斷腸

徐使君新作採菊亭

使君占吏使老手便治劇論功飲無何課最上
殊勩人言神爵中有此二千石擁麾幾何時千
里靜森戟遂移佳菊苗步看東籬屐南山
勿當眼淨机分晚碧黃花行欲開吹帽盡佳客
豐年公事少閑日頗自適便恐趣公歸翱翔步
丹極晚枕夢催班矇矓想山色

陪徐使君登秋浦樓

白髮衰顏已倦遊倚樓端為使君留天連遠嶠
雲埋樹波撼孤城水繞樓有客自復愁外眼何
人解寫雨中秋世間無此登臨勝休把城南說
閬州

二十三日雨霽再陪徐使君登秋浦樓

細雨愁雲特地晴重來水秀復山明江風吹面
滄波動嵐氣侵衣翠潤生南浦落帆催畫角麗
譙殘照滿雙旌未知九日齊山會樽酒何人與
共傾

太倉稊米集卷第十六

太倉稊米集卷第十七

詩五十首

睡起題西齋壁

熟睡閑歌一幅紗夢殘庭樹落疎花屋頭正喜
鳩喚婦墻下忽聞蜂打衙

題劉生畫王子猷嚴子陵二圖

人生不相知相視粵與秦臭味儻復同萬里心
相親何必兒女曹爾汝相悲思浩歌反歸航詎
識此意真

四皓挽復來子陵呼不起天下復歸心兩京同

一軌義重勢乃輕
理自固應爾賣菜苦求益可笑真俗子

登杜牧之翠微亭故基

秋草無情上舞臺
清江猶抱故山回
紫微郎為誰携酒斜日西風菊自開

中秋大晴採菊亭對月

風與秋客一樣清
雲隨風盡十分晴
江從採菊亭前過
月到雙梧頂上明
塞草又黃人亦老
霜鬚渾白酒還傾
不應造物知愁極
故著玉蟾娛老情

秋蝗歎

驅車入秋原
懔懔盡禾畚
田父刈且歌
笑言雜兒女
路傍騎馬翁
下與田父語
問言田家勞云
何樂如許
父老仰天歎
懇款話心膺
今年遭歲凶
夏旱連秋暑
誰知勤餉婦
社瓮第綠醕
君看西來蝗
落地輒蓋土
入境不入田
食草不食拒
老農亦何幸
此樂豈天與
為言相君賢
為惠實
在汝群兒
滿江淮
殺氣自消沮
微蟲初何知
仁者亦復與
知公意在民
有穀寧忍咀
勸爾但自歡
蝗來不須禦

謁昭明祠

歷年有攸歸脩短良亦異天乎不祚梁斯人乃
卽世於皇元良資盛德真豈弟高文貫百家妙
學窮六藝悠悠悲徂年瘳凜尚生氣偉哉千載
人享此百世祀金朱煥靈宮奔走恭祀事遐瞻
儼森寒神雨倏復至偃樓奠椒漿悲風肅蘭佩
想像折芳馨茲焉獨長喟

次韻元傑聽谿亭見寄

貧病相牽各異鄉心隨南鴈與翱翔感君三絕
出妙手慰我九回腸別腸山色為人分淺黛泉

聲何事碎鳴璫千巖萬壑山陰路誰與臨流共
一觴

清樾晚雨効韓偓三絕

池上風荷香撲衣紅粧鏡裏雨如絲試呼小艇
尋煙去便是茗谿五月時
白鷺一雙飛暮靄亂鴉無數立官樓角聲吹盡
攔猶倚雨落黃昏人白頭
黃昏簾幕人誰卷暮雨攔干客自憑獨自不知
多少恨一池荷葉碎秋聲

齊山有巖穴宛轉山間秀色可喜號小

九華

衰容迫遲暮驅車厭行役路逢玉孺顏庶用慰
愁寂誰知九鳳群夔與秋水隔落日自淒迷轉
眄失虛碧幸茲登臨間會遇晚乃獲玲瓏八九
峯模寫在尋尺鬱雲開層巔飛瀑掛蒼壁凜然
削寒玉秀色繁可摘緬懷融結初岌業自開闢
懸知孤客恨為了愛山癖聊將小巖齋入我尋
山屐何時解塵鞅卜築在泉石遂當挹諸峯羅
列歸丸席

齊山依小巖作觀音閣

亂山空洞自成龕十里秋風響檜杉我亦來修
香火供便疑身在補陀巖

池口覘樓船

湘水妖氛靜樓舫盡日橫風濤心自恐舟楫眼
初驚狂虜膏金鉞將軍駕木城太平無此物指
日望銷兵

飲酒三首

高皇掃強秦縱橫成妙略三傑豈不雄曾不出
籠絡曹參晚為相痛飲事杯酌當知清靜化寓
意在酬酢魏武獨何為晏下禁酒約兵戈纏九

州積忌恣暴虛堂，孔北海醉語雜諧謔斯人
猶殺之四海何由廓古來成敗事紛々真一曝
昔我在田畝薄言事耘藝種杭六種秣可食蕪
可醪清香滿寒瓮夜滴喧春槽洗我玉花甕酌
此鵝黃膏閱歲更闌茂下田但藜蒿里胥厭追
索縣籍去逋逃爾來兵火急斗粟千錢高不飲
動逾月憔悴成楚騷丈夫命運薄困阨例所遭
究竟無如何隨緣且陶々
濁醪有何好所貴資清歡如何畢阮輦頭沒杯
按問我飲但涓滴而作飲酒篇兒曹見之笑謂

我狂且顛政應生自失說夢癡人前一酌憂已
亡再酌當陶然此意但自得此理詎可言萬古
一淵明何由与之論

秋晚念歸

風寒黃葉未全落露重流螢已不飛胡馬又肥
秋欲老旅巢無定客思歸

親征詔下朝野歡呼六首

茫々禹跡混殊方誰遣中華識犬羊今日澶淵
尋舊役會看一矢殪戎王
天戈未指敵先摧掩耳誰能及迅雷便遣風師

清輦路奉迎北狩兩宮回
誰信妖兇膽自驚君王親駕六駢行江邊紅日
三更出恠得揆搶夜不明
漢業當於馬上成漫勞諸將久經營廟堂早扈
南陽駕已為蒼生洗甲兵
雉扇遙聞擁翠蓋遠方耕鑿尚偷安誰知黃鉞
臨戎地江上秋風玉帳寒
眼看介子請長纓白髮書生百不能誰掃涪溪
題歲月漫郎端欲頌中興

青陽道中望九華諸峯作

平生愛山意瞑目想奇崛東南歸多山萬嶺空
崒岿不知鑪錘工鑄此一尤物峯岫與天近紫
翠爭日出何年飛三山此事亦恍惚要欲移嵌
巖下作仙室我願從之遊飛昇蛇塵骨山行
尚悠々客意殊怱々弱水不可渡瘦馬聊自兀
落日回寸眸飛鳥但滅沒

次韻呂仁父教授題余秋浦詩卷

將歸自池陽

病客還隨倦鳥還霜風猶帶客衣寒誰持馬上
歸來句換得天孫雲錦端
汗漫誰從食蛤遊歲窮真似賈胡留恨無摩詰

丹青手貌得瀟湘兩岸秋
試從秋浦望長江猶有遺蹤在渺茫
滿地黃花
秋日晚傷心不見紫微郎

燒芋

幽人日晏方索米朱門醉頭扶未起人微何敢
望一困鮒死知誰濡斗水糞火撥灰聊効顰玉
糝誇羹未湏爾紫團包玉不洗泥火候初勻香
透紙從來真味貴天全大羹不致名太始饑涎
為止翁歆顛飢腸不鳴兒更喜口腹為災莫謾
誇五畝應湏急料理但託長鑿仍短鑿誰能畏

首復畏尾未知春雨荷耜歸空羨吾家燒芋羹

十月二十九日雪中煮茗

旋掃飛花煮玉塵一杯聊餉作詩人未知折脚
鐺中雪何似浮蛆瓮裏春

小兒漬蜜雪餉用前韻

黃蜜香和糝徑塵紫蘭兒餉白頭人誰知茅屋
三冬雪中有蜂房一掬春

雪後小霽擷菊苗薦茗

短窓烘日見深明墻角泥乾路欲成槐葉索淘
春漸近菊苗薦茗雪初晴寒叢且對天隨子大

白誰浮阮步兵願借芳香明老眼要翻書葉送
餘生

雪後北墻

携兒聊作北墻行泥雪初乾杖履輕病後茶松
渾不要眼前蔬甲喜全生鳥聲漸軟春應近梅
萼催香日自晴忽憶讀殘書未了却須歸趁小
窓明

冬至前七日極暖

風日炎州似暄妍趣歲華三冬開蟄戶十月見
莓花翠管書雲近黃羊賽臘賒却愁遲暮雪隨

意作橫斜

冬至日晚晴可喜

雲物終書雪未晞樓臺忽復帶斜暉日送銀色
界中出鳥向瑤池影外飛可忍便教燭欲暝會
須更待月同歸群山即是三山頂八極聊將才
目圍

送黃子才還姑蘇用陶淵明王撫軍座

送客詩韻

歲事忽已晏行邁良亦腓誰知出岫雲意作無
心歸嗟我寡徒旅隻影更無依况乃遠離別手

子千里遠中原念亂久意緒轉愁悲迢迢兩路
水淡、浮斜暉豈無雙鬢尾尺素不可遲上上
街名勿
不相念棄置忽如遺

奉寄黃端冕用送子于韻端冕其猶子也
至言如秋霜既肅百草腓諂諛忌中正千古良
同歸儻無骸槩士舉世將疇依衰職或可補鼎
鑊安得違所以長沙傳慟哭為時悲謹語數十
上子今有餘暉我欲從之遊周道苦倭遲倭遲
不足惜子言願無遺

陳公園梅極盛頃嘗與客遊觀花下兵

盜十年今復過之追念存沒怆然有感

三絕

忽憶梅花空斷腸十年依約夢中香如今濯錦
江邊路不見栽花黃四娘
玉雪驚看亂後枝梅花雖在鬢成絲當時一醉
還如夢今日嫣然復為誰
溪上長眠雙玉瓶只今誰在復誰傾花知何事
遽如許人亦看花太瘦生

紙閣初成

小閣春溫借隙光風簾不掛最宜香窻前睡鴨

吹雲縷聊與幽人度日長

除夜雜興三首

華髮日就槁，如秋草秋草剪復生。髮禿不再好，雅意憐兒童。軟語嬾翁媪，白挽流光持。孟錫難老我，老不足惜汝。生念不早兵，戈常在。眼澀狼猶滿，道且當芻殘。缸瓶空莫辭，倒醒視夜何其東。日行杲。

憶昔元會日，漢家全盛時。奉隨觀國賓，得見漢官儀。中即授國璽，屬國朝遠夷。萬邦瞻咫尺，龍姿喜元知。皇天厭久治，夜見蚩尤旗。微生脫九

死飲此除夜，危河陽狩未。迅螻蟻何足悲。

昔年避群盜，夜竄蒼山阿。偷生歲忽杪，妻孥共婆。村膠薄如水，我顏安得醜。夜半黑風起，過門驚荷戈。今夕復何夕，柰此歡樂何。人生不自保，聚散如群雉。更當增蘭膏，照此盃中波。

立春日雨中三絕

滿天雲物正垂垂，何處青春欲到時。花信未從風裏得，豐年先自雨中知。先自逢春老倍傷，兩簷踈雨更淋浪。眼前無復新幡勝，只有寒蕤照度郎。

春光先已到誰家風裏釵頭小鸞斜只有幽人
了無事卧看疎雨濕梅花

張載揚示元道州詩卷羅仲共有詩在

卷尾次其韻

吾道嗟牢落斯文得主盟馬從西極到鳳入九
霄鳴翰墨雄前輩篇章集大成向來候叔喜何
得有新聲

正月二十七日種木瓜五株

三峯真奧區陸海富佳實此物冠九州未數梨
與栗園丁力扶持璀璨成妙質鏤花掩宿露紅

暈生晚日玉顏醉自頽豐肌滑仍密風味照盤
餐名字愈痺疾衛侯報瓊瑤盛德豈埋沒野人
獻根株春雨助芽蘖何當岳露顆照眼行突兀
疇敢與荔子飛電爭置駟况復具苞苴緘封鎖
巨室一酌呼吾人井酸漬岬審人生鮮知味相
餉不可失

正月二十九日種柳三十五株

故國兵火餘壤地日窘蹙千里無雞豚遺禍及
草木火攻跪焚巢雲淒急新卜尺地無寸藝山
膏見茅屋小徑卧修蛇索迤繞山麓岳楊剪孫

技封殖勤養育正須清陰成門卷森詰曲微風
忙春絮細雨滋淺綠悲涼聽殘蟬徙倚捫飽腹
種德須百年種木十年足十年吾已老光景日
夜速吾事儻復濟六足快所欲何必羨張緒風
流標簡牘

太倉稊米集卷第十七

太倉稊米集卷第十八

詩四十八首

憫紅椒樹子作

東籬委捧管狼藉紛瓊碎披襲得紅椒磊落本
誰藝蓬窠頗自矜枝葉相掩翳日月空復明雨
露不霑施結根一失所埋沒苦熬悴移栽俯西
軒吾乃借一臂要令遠條且密葉敷晚翠秋霜
染丹砂紅實相點綴香發潛德錯節振淹滯
人生良可惜會遇亦難值生理儻復存餘恨當
棄置

憫白菊兩株作

鮮々凌霜菊艷々，粲雲綺團索雙絨枝婆娑照
憲机頗訝銀臺俗，深憎澤蘭紫瑣碎懸萬鈴金
錢坐堪擬彼美誰家妹軒然西仙子一登君子
堂衙官列桃李殷勤極調護出斛埋地底結草
障飛霜分渠泄流水那知病根株咬齧遭蠹蟻
人生意外憂多智亦謾爾朝來踏雪泥呼奴亟
移後東株真已萎西株有生理痿者不自持生
者能有幾君看金谷園花木亘百里忽然奇禍
作過眼盡荆杞悠々可奈何歸步一笑喜

山居聞蛙

憶昔東南居結屋古城背野色帶危墻花陰弄
寒砌月彩淡微雲春風入衣袂萬籟悄無聲獨
立誰与对殷勤古塚蛙為我作鼓吹號昏初兩
三鬧雨忽聳沸懸知世俗憎自可幽人意胡行
如鬼速十年滿天地弊廬飛劫灰生涯轉零替
爾來三間茅風雨僅可蔽青春不改色人事有
興廢一聞群蛙鳴懷舊如夢寐撫事為歎嗟傷
心極流涕

二月四日大火吾廬獨免

顛風晝日惡，頑雲吹不開。行人對面不相識，千
峯萬嶺沉風霾。不知誰縱一炬火，坐遣萬室成
飛灰。吾聞人火曰火，天火曰災。茫然不復知從
來，但見通衢半瓦礫。男呻女泣聲酸，哀避胡十
年。常作客，幾見連薨交荆棘。此生憂火復憂兵，
一事不成頭雪白。學禪靈運本忘家，好賦子雲
終有宅。向來窮巷冷如冰，今作權門手堪炙。驚
魂可招烟歎消，茅茨猶在書脫厄。心知造物可
憐生，留與雲窻看山色。

二月五日再火吾廬復免

昨日北風如箭疾，城南一燎三百室。城西片瓦
不復存，今日風高火仍急。池魚已作沸鼎焦，搗
木那容飛鳥集。次糧不峙，恐民流棲櫓俱空。
憂盜入傳聞，此火頗異常。宋衛陳鄭寔同日，城
中有屋無二三。道路橫屍十六七，三州飛報急
止聞。詔書亟下，隆寬恩。既令折券已逋，責復振
倉廩。蘓窮民東南無事，官失戢火政不修。戶無
籍生，令惡少恣焚燒。更以深憂貽玉食，小人何
幸獨宴然。飽食懷慙面仍赤，
群不逞。乘時縱火以病良民，有捕於官。

者輒送遣之或厚与之金使之出境二
月二十八日弊廬為惡少見焚雖復僅
免而官不為直不能安居三月六日
徙居寓舍

平生有宦如瓦鼠亂後飄零無定所身隨海鷺
作去來心似賓鴻識寒暑異時無地着妻孥晚
得三間蔽風雨邇來憂賊夜不眠惡少屢來窺
屋山不知今夕定何夕忽置束蘊茅茨問念非
曲突可得免何由外戶常不閉公庭得賊盡縱
遣上訴官曹多怒顏青山元与我有約俗駕苦

遭神勒還山光无情為不語主人當去心依然
人生泛泛水中鳧身如逆旅家蘧廬東西南北
皆可爾夢幻泡影真湏臾只今兵猶滿天地黔
黎誰復能安居鳴泉繞屋花滿眼有窓况足翻
吾去暮年卜築儻未可且借一椽聊自娛

除醺盛開伯頤許携酒

洗雨梳風玉作肌溫泉初賜太真妃莫驚霧帳
人方睡怕作風軒雪又飛未有酒樽酬玉艷枉
教春色到柴扉詩成不為花遊說要看山翁倒
載歸

上巳日兩中小集

老去傷春頭緒多
花前不醉柰渠何
重來倦客還修禊
已去蕃兵却渡河
薄酒為人澆魂魄
惡風將雨作公魔
世間何事非陳迹
莫謾相逢說永和

書淳師房六言三絕

茗椀要看三昧齋
盃來飯伊蒲坐對禪房花木
夢成午枕江湖
長卿自是倦客支郎殊復可
人懶識閑中味好
老於方外情親

罌粟湯翻白雪
梅花句嚼春冰
助我看山老眼
借君倚壁枯藤

次韻任道卿見贈

連壁終慙玉一雙
何曾有句似澄江
九霄鴻鶴終掀舉
三峽波濤看擊撞
長袖婆娑終解舞
短歌衰怨不成腔
詩壇老将元無敵
合為奔軍築受降

次韻道卿登樓有作

謝朓樓頭烟樹低
雨餘簾幕卷雌霓
霓山從雲外分
千疊水自天來落
兩溪南圃飛紅香
滿砌畫

橋春漲綠平隄登臨日；傷愁眼攔下夕陽還
復西

次韻魯菴道人

一事無成雪滿顛謾憑老眼寄常編誰將愛酒
周光祿錯比能詩孟浩然心与功名無宿約天
分泉石了殘年相過更待秋風老來釣琴公斫
翰編

夜雨達旦枕上作

夜雨不復止寒聲曉仍酣懸知受平陸天水相
溶涵今年春雨多既失麥與蠶五種殊未入此

雨寧可堪日者諸天將幕府開潭；連營跨淮
楚仰食江以南群縣脫兵火白城無二三何以
供靡屨坐貽有司慙是事姑且置我窮誰共談
有茅兩三椽徃々如漏籃中夜屢起卧吾寢安
得甘晝止方稍々暮作還飭了無山鞠窮何
由禦焘嵐有躬不暇閱憂心願如悞何當煩兩
師驅車及在豸一飽庶可期寒餓少已諳小人
無遠慮口腹空饑日貪

重午日晚眺

野艾傷心碧襲摺滿意紅兵戈人事別風物歲

時同山倚斜陽外江橫醉眼中楚寬終未洗誰
為餉絲筒

六月八日始開北窗得數峯於林樾間
命力斬惡木而山始盡出

去年捨輕舸小室坐懸壺六月不出門端居閑
晨暝安知咫尺中有此大殊勝之晨穿此垣萬
象忽輝映太虛本無窮眼力恐自竟遙岑蔽清
樾了不赴將迎翠幕空繁柯烟驟入幽凭双峰
始幡然起應高士聘長廈有餘光名与天地巨
馬驪亦已頽蓬顆沒微徑茲山与周旋安得往

修敬斗酒時自澆先生醉初醒落月掛長松悲
風繞危磴裴回想音容鬢髮聽嘲詠

七月十六日晚雨已而月出

待兩日已晏既晴天亦曛風從莽蒼來雲向西
南奔忽於蒼玉玦擁此黃金盆我居在山頂并
沉閱冰輪三年東岡頭入我圭竇門平生金蘭
友老去無一存願言結神友相与論素心素心
不可說月亦終無言

暑夕

卷箔日已落移床月未來蛙聲還作吹蚊聚竟

成雷我自羲皇卧誰今河朔杯更憑風露夕小
為洗胡埃

夜枕

夜枕歌殘夢寒灯照白頭樓空千嶂曉簾冷一
窓秋時事兵方急天星火已流欲尋三径老何
日兩京收

中秋月下懷西山亭示周都曹

頑雲撥盡玉團栾飛出青天白玉盤月似不關
常夜白風應先作九秋寒興來有意携雙屐夢
去還思把釣竿遙想風流三語掾不知誰共倚

攔干

次韻道卿詠雪約遵歐陽文忠公令不
得用鶴玉潔白等字

魯史書平尺玉春喜可占弄寒初照砌逐吹旋
縈簾水遠還迷望山高遂失尖欺梅時滿樹如
舞或凌襜鵲凍癡如夢兒嬌喜欲粘人應橫短
擢誰且卧窮閭壯士知何畏衰翁亦懶覘打窓
時藪々拂帽更纖々獸炭寒仍在駝裘晚自添
鷓鴣茶椀釀鸚鵡酒盃甜歲事新愁破詩章舊
令嚴遙思庾樓夜萬里一寒蟾

用梅訪別為作長句

東風吹雪滿征鞍奪我瀕湖一笑歡老病不堪
頻送客亂離容易莫求官故人知有山公在遊
子應憐范叔寒留得餘年可相見不須回眼淚
攔干

十二月二十六日北牖捫虱

今晨頗無事步遊古牆根眷茲萬家邑稍苦三
戶村于時積雪散復值朝陽溫解衣聊自得班
荆与誰言歎欠良已久吾虱庶可捫平生讒深
削懶惰從朝昏坐令邊縫間朝生暮仍孫田臭

比蹈香位卑道仍薄与世儻無求中有至樂存
勿語兒女曹此意难具論

次韻靜翁雪晴有作

曉天晴日麗朱樓殘雪晶
客舍幽塞柳江梅
渾欲動官軍胡騎幾時休
頻夢佳客堪同醉當
為衰翁作少留便典春衣
買春酒同將一酌散
千憂

次韻道卿規諸葛生製筆有感而作

任侯富三冬志在食五鼎
平生名教地不對紛
華境細書抄蠅頭何嘗避
炎冷毛錐捐脫兔高

与堆阜等遂呼東郭魏一，拔項領妙製窺良
工危坐銷日永，錨銖辨柔勁束縛較歌整，那因
將軍恬始拜管城，穎乃知鬻技窮不異東麻菽
包直入朱門，露蚶不窺者吾曹坐書癡微言姑
自警它年草玄憲長物俱可屏，潛夫儻或著封
禪御名勿請相過有餘日，會待風雲靜

次韻道鄉劾離合體見贈

穠李有佳色不如蘭芷香，鳴禽矜瓜蒂肯入鸞
鳳行苦士自有偶俗子自有腸，驗志貴同術異
趨徒參筒望羊久自歎，相鬼不相忘偉哉德祖
賢長年与徜徉逢君青雲衢，弱羽難翱翔搗項
与黃馘珠玉儼在傍，唧唧秋蟲吟敢賡韶護章
夜光入我室十襲徒珍藏

早歸

野日破朝霧宿陰回，暖風人家村崦外春夢竹
輿中天碧鷺斜起水深，桃卧紅山陰幾巖壑應
接自無窮

題徐伯遠渚堂

徐侯堂登瀛結屋在幽渚，於焉寃心跡無乃異
出處西風肅高秋黃鵠時一舉，自謂可過之丘

整出肺腑俗眼殊未高此意吾竊取長卿少倦
遊征衫浣塵土盍陪澆酒翁共作斜川語魚鳥
雜冠巾蒲蓮暗樽俎江湖滿天地置身豈無所
黃帽与青鞋造化久見許平生釣餌只臨老尚
齟齬茲懷固泯默感激聊自吐安得載簪簪孤
蓬聽秋雨

次韻道卿嘗新梅

梅稍着子葉青，紅萼猶存味已清竹外一枝
和雨摘釵頭雙蒂為誰情雪霜自是元同操擗
捺何由与並名商鼎欲調應有待不隨鹽豉下

蓴羹

送元楷官莪橋

相見還須復語離更堪花雨濕征衣樂丞有酒
聊自隱季子無田安得歸長釣不妨垂白而亂
帆時看落斜暉何時去作津亭客更待秋風一
葉飛

次韻道卿喜賦平時東南初定

無人試請一長纓賢似防胡萬里城共說廟堂
初奏凱似聞淮海已無兵黃頭老父農桑晚白
面將軍劔佩榮息馬投戈知有日黑山青犢已

先平

小兒生日

錦里先生聊醉隱玉川居士以詩鳴人言驥子
主扶步天遣添丁欲助耕窮苦坐吾緣底事飢
寒憐汝若為情相着只有身長健共瀝餘樽作

小韻

林老借可正平詩編以詩還之

蘇家人物自有種法護且放僧彌賢誰知癩可
東谿句參得語翁雙井禪落葉飛雲空自好流
風回雪不成妍更須點檢新編看恐有隔林機

杼篇

送羅仲共罷酒官歸山中

虎額一山同避賊草堂三月更通家音容久隔
頭俱雪雲霧相看眼各花晚厭微官猶趨蠶
知豪氣已聳牙北扉青瑣真如夢且復西谿踏
釣沙

次韻常元明見寄三首

月明鷺鵲未安巢生事如僧止一包但得有門
容看竹不知何地可分茅愁來謾載盈鴟酒老
去唯穿中鵲鷓獨有詩緣洗難盡強隨春鳥作

啁嘲

已分功名噲等高平生誰問六花包千頭願種
封侯橘三脊仍慙縮酒茅亂後詩囊成長物夢
中驚膽落飛鷗我非執戟明光客知有何人肯
見嘲

我如病橘綴寒梢璀璨何由入貢包交舊半應
悲宿草亂離真已厭前茅毛雖早信難當敵銅
鞮何由李射鷗願借瀾翻千偈手為余一洗向
來嘲

次韻道卿瑞香

春意催花不自禁紫團猶復畏輕陰蘭蓀有意
窺芬馥桃李含羞漫淺深鬪鴨並攔風舟紅
油岳幕月沉任即便花東道不奈香山夢
後尋

次韻道卿竹間桃花盛開

玉立踈々不滿攔小桃宜向竹間看花何必
三千歲帶兩寧湏十萬竿却恠靚粧情脉々不
嫌青玉瘦藥々何郎粉面堪憐許擬李風枝耐
歲寒

送徐彥思三首

好事何人說醉翁賢良名在著書中只今文采
猶如此當日淵源豈易窮遺恨可堪驚別雨新
詩不復詠流風慙公千里相求意楓落吳江恐
未工

凜、忠言公旬持偽書初赦兩淮時膝當不為
姦雄屈心亦唯應草木知獨任安危百年事寧
辜父老一生思抗章縱有論功日便到鑿坡已
恨遲

柄方乖鑿固應殊草木相求世久無可怪風流
如孺子不嫌人物似曹蜍西谿風月空勞夢千

里歌謠尚載塗他日鷓行一回首冷鳧乘鴈只
江湖

二月二十六日伯遠邀遊小園明日有

詩次韻

園荒不見二疎歸風引長藤欲上籬鶯子作巢
春寂、孳枝搖月影離、誰為五柳當年傳又
誦三堂此日詩我欲一丘藏曲折此心唯有子
相知

二月二十八日靜寄軒作

看得階前碧草濃小桃猶作亞枝紅五更夢斷

鷄鳴雨二月寒生鷺子風歸意擬尋黃篋舫春
愁最惱白頭翁鶴長鳧短知多少盡付軒渠一
笑中

駝山寒食二首

時節近禁火東風猶小寒絮飛爭渡水鞦韆欲
平竿酒忍愁前把春仍亂後看吾歸湏少日花
在莫吹殘
過眼夕陽雨滿襟寒食風鳴禽說春事暖樹落
嫣紅杯莫頻停手花今解笑儂人生不相見可
忍更忽忽

張元明為道卿畫竹間梅

我作東窻竹外開斷魂香自雪邊來細尋水墨
圖中意似對檀欒塢裏梅笔下懸知有冰玉骨
中元自少風埃可憐能事玉摩詰解遣春從一
笑回

太倉稊米集卷第十八

太倉稊米集卷第十九

詩四十九首

題周掾西山亭

江靜雲恬眼界空
危亭高枕麗譙東
風來雨後憑欄處
山在人間拄笏中
春去平蕪隨處有
鳥啼斜日滿林紅
伯仁空洞渾無物
容我清樽一笑同

次韻道邨聞新鶯

草長江南春欲闌
曉鶯聲在綠陰間
定應春恨知公子
故作清歌奈小蠻
催盡落花風自暖
喚

醒愁眼日長閑隔枝時見黃金羽始信庭柯會
解顏

次韻道鄉縣樓觀雨之集

樓下江聲雜雨聲斷雲初掩斷霞明吹殘惡熱
涼生面瀉作奔流綠繞城擾驚禽棲不定娟
缺月生來生遙知舉白酬豐歲醉裏憑欄句
又成

道鄉論吳中夏菜詞頗夸且借蘇內相

春菜詩韻作詩僕亦同賦聊為江南解

嘲

江南五月菱垂葉底紫菱如紫蕨梨香澱齒
蔗漿寒瓜熟堆盤水晶滑紅薑抹縷雜吳鹽纖
手淹梅帶微辣芳林露下摘金桃入眼燕脂紅
臉抹木瓜其酸天下無百果論功誰可甲朱櫻
萬顆滴堦紅滿架蒲萄更肥茁振香果大芋如
鴨此品秋來不勝說老翁空作解嘲詩但恐年
衰左車脫

次韻羅仲共靈泉夏夜二首

靈泉無暑竹連山絕似秋霜五月寒我欲訪君
安得往江湖滿地一漁竿

泉聲落枕喚詩成傑句中
含萬壑聲起看四更
山吐月又扶藜杖到天明

夜訪伯遠偶題長句

夜携桃竹上山枝
來叩徐侯種菊籬
憐我風霜猶短褐
喜君人物是長離
酣歌強對老來酒
忍淚重听亂後詩
一笑相逢真我輩
此情今上御名勿遣兒知

駝山秋晚二首

詩翁老去無人數
晚歲移家在河澣
敗絮蒙頭那復霜
破屋穿天尺愁雨
大兒窓下抄奇書
小

兒燈前誦論語
明日羞囊餘幾何
客至無錢具雞黍

溪邊茅屋知誰家
門前水落溪露沙
枯藤繞屋掛秋實
黑如點漆紅丹砂
蜀葵花空已收子
雞冠樹高猶有花
客來倚杖主人出
屋頭日暖聽蜂衙

聞張伯真割俸粟二十斛見遺而書未
至戲題小篇

老去空嗤守錢虜
我亦無錢買田畝
未容殘月喘吳牛
空對杏花耕宿雨
昨夜宵誦偶連明今

日晨炊忽停午長腰聞有尺素書飽腹先懸待
推鼓浣花老人殊可憐忍飢更索飢腸語故人
祿米肯長供司業酒錢時亦與平生無句可警
人未審何由坐斯苦幾時去作多田君滿田擺
掬堆黃雲長年飽飯作穀伯且免勞人勤指囷

九月十六日生日示內

從我憐君二十年脩葺險阻與艱難試看剪髮
師陶母肯為親春媿阿鸞香火結緣聊為老杯
盤為壽小同歡鹿門願遂平生志更享全家百
歲安

次韻道卿見貽

樓下秋空月似波與君高日在庭柯新愁別後
知無數白髮年來轉畏多歲月催人駒過隙世
緣相縛雉羅多才似子仍多李他日金鑿穩
上坡

次韻道卿催梅

江上連朝暗飛雪花信風遲寒凜冽東閣官梅
殊未妍揚州何遜心應折何郎思苦花欲開鶉
鼓不倩天公催詩翁自是催花手能挽春從天
際來帳下玉人羞起晚弄粉含姿半驕蹇應憐

冶葉與倡條有意凌寒入芳苑君詩更好誰與
論會令寒谷生春溫冰姿一笑忽滿眼誰道鶴
林花有神

次韻道卿梅花長句

月娥窺水晚纖纖風味能回鐵石嚴滿地不禁
飛處急一枝猶得醉時拈國香無意欺蘭蕙天
質應羞擬絮鹽冷蘂依然在空谷何人重倚少
陵簷

次韻邵文伯懷桐渚與陳子高唱酬之樂

謫仙騎鯨上天去萬古風流一丘土去天尺五

城南杜陵上瞿塘望江渚兩翁憔悴人不與造
物嗔渠作奇語陳侯筆勢誰可禦九鼎自可獨
力舉夢中尺錦君盡取時向胷中作吞吐卽卽
詩高熟賓主一笑相看兩相許清歌那忍聽金
縷渠坐詩窮君勿怨衰翁老氣不可鼓篆鼎尾
棺心好古此別相逢定何所他時剝啄卽君戶
藜杖經行尚堪拄

次韻靜翁雪中見過三首

年々飛雪閉寒齋老怯風威不下階客至未妨
頻叩戶人生何必要籠街莫嫌縱飲方投轄聞

道中興已勒崕自笑下愚移不得從渠撫掌笑
高柴

故國飄零萬事乖十年不見雪平階要令幽子
安圭竇少待亮商就藁街援筆何由賦梁苑閉
門只合老蒼崖君未看我煨黃獨自採春山帶
葉柴

端門萬馬想初回跪賀群臣拜玉階我約江鷗
分雪浦誰將烏帽踏天街從遊久欲真浮海送
客懸知亦自崕猶有弁平臨老眼尚堪方嶽看
燔柴

二十八日雪霽讀晁無咎集呈別乘徐
彥志且以奉還

蘇公論士昔未聞四客輩出俱同門龍媒忽下
洗凡馬野鶴一舉空雞群虞皇七支廊廟具元
和十子非渠倫張公屈宋排衙官清詞麗句冰
雪寒秦公笔下有過秦平生日短曹劉垣金華
佝伯學杜甫句法自許窺公藩晁公磊落天下
士帝遣長庚下人世舊聞一醉百梨花醉後狂
歌滿天地詩成只在倚馬聞高談頗似懸河翻
當時七發真少作秦漢以來無此文今日晴窓

有佳色積雪為洗烟埃昏千山排巒削寒玉萬
木擁戶明朝暎試携塵編醒病眼隱几一笑空
爐芬是中有味知者少此意便欲從公論

題南金今上御名獨齋

聖道不可窮探取隨已欲平生所受用政可一
言足子思著中庸暗室戒今上御名獨危微恐懼心此
念旋已熟季從西洛來標榜相品目袖手看屋
梁表表如鶴鵠誰知肯中塵徃徃盈斗斛彼也
而有知寧不貽彼忸吳侯蚤作吏未肯事邊幅
得妙自聖處了不閱世俗頗知幽隱中日月所

照燭不敢欺秋毫高情潔冰玉願言從君遊着
鞭蹈前躅

題李彥恢家草堂

李宏字彥恢慕石徂徠為人家有
守道堂呂居仁宣城四交之數

昭陵厚德如乾坤廊廟補衮多公言徂徠官在
百寮底有時論事驚天閣皂囊欲上諍已滿霜
臺不到名空尊李侯自是千載士人說贊皇今
有孫長安御史一驄馬人物眼高爭荐論南牀
小忍便可得直氣肯受高官吞青雲岳上却回
首得州如斗車朱轡兩公相望空落，當年風采
今仍存古來名節與富貴輕重略等常平分天

公相愛似有意黃鵠欲舉方騰騫未開青瑣霄
漢上故著草堂烟兩間人生窮達固難料時來
鶴亦能高軒願公努力善自愛更進藥石裡華
勳

次韻道卿殘臘步遊林藪草木漸有生

意三首

抱病歲忽杪杜門誰復來感子陽春句為噓寒
谷羨君才那易得辭華陋鄰故草木不足羨雲
衢路當開春意私節物榮枯竟何哉封侯與裂
土且當付輿臺

老意慘不樂青春為誰來藝蘭在九畹誰能起
殘芟桃李忽滿眼其實亦枚枚耕田種芝草玲
瓏殊未開榮華競春事於我何有哉當浮白玉
闕下睨黃金臺

人生有榮瘁否極泰必來君看九地春寸草無
餘髮白首始一遇蒲輪迎老枚祁隱不可招詡
徑行當開我欲尋盧教盧教安在哉但當急洗
眼看子登雲臺

讀元微之詩有感

從古才高少識真此公句法老尤新世間言語

渾無用天上吹噓却要人但遣前旒知娥嬪莫
嫌後榻有嘖呻夢中富貴能多少空使清流作
怒噴

舟次句茨時寫白湖

移居來近玉湖中漁戶新添白脚翁覓句深慙
何水部浮家全似陸龜蒙山寒正恐無黃獨地
濕應須要鞠窮晚日飄零天不管雙鳧乘鴈聽
西東

雨寒連日大風病中作此詩

門外湖光潑艷中春寒那聽雨濛濛吹殘梅雪
如山雪顛得江風似颶風雙鷺擬來尋舊約小
梳渾未試新紅黃紬獨擁眠方熟剝啄可須來
惱翁

暝立

山隔湖邊路人接柳下扉扉從帆席過鷺掠水
波飛鳥亦昏終定牛知晚自歸幽人常暝立日
日到斜暉

次韻黃文若寄燈夕不出之作

少小從舞雩鼓瑟嘗屢希結髮事墳典願言探
玄微鐘鳴漏忽盡殘星獨暉征鞍老塗路白

露霑裳衣齒髮倏已暮富貴終難祈佳辰念京
洛流車看駢々結客少年場兒女如瓠肥紅燈
白晝暖醉盃黃金揮回頭二十載狗盜相因依
時光了如夢菽粟不救飢飄零少行樂老大空
歡歎今年四海靜廢屨張外扉笑葉焰明缸金
波麗春幃穠李樽前歌遊子月下稀錦々銀漏
中撲々春蛾飛此老最可憐已杜禦寇機但知
草中和浩蕩歌皇威晶熒一短檠搔首悟昨非
風流如黃香不作傳耕歸更携袖中珠來尋北
山薇詩盟儻可同願復無余遺

題趙安定像

烏巾白角雲錦裘長脰翫麟高結喉王孫自是
真龍種世上懸知無此流醉裏哦詩々歎就風
月平欺兩肩瘦秋風為神玉為骨昼手何從寫
竒秀仇池客多誰在亡高準虬髯唯汝陽紫皇
苦要奏璈語此曲至今空斷腸々斷公歌侍兒
拍瓮裏黃柑自春色老坡不見空凄然此詩此
意無人傳

題包鼎大虎圖

人間妙伎古亦有畫虎從來易成狗何人為作

老於菟鼎死百年無此手想當運筆亦有神
睨知誰看回肘便恐陰崖風雨來何止草中狐
兔走易生驚猿羞掛枝周昉稚犬空復肥畫中
生意似可喜此虎一出無餘姿邇來喪亂書阮
苦唯有君家此畫古妖狐一立渠自安狡兔三
窟無人取建章宮殿空咸陽猛士知誰守疆土
藜藿不採虎在山安得有臣如此虎

忻師介軒

念我昔少年剛介頗成僻多錢嗤守虜飽飯嘲
穀伯有口能雌黃及眼輒青白阿奴持火攻未
必出下策一笑當尊拳僅得貸雞肋只今真老
大須髯已如戟折肱成良醫忤物知何益要令
空洞中下視滄溟窄峽々固難全容々聊自遣
知雌在守雄外曲當內直此理吾已明師獨未
之得願言戒覆車聊用銘子壁

三月五日晚霽大風

雨後風扉擁青嶂家在斜陽晚潮上沙頭飛盡
雪色鷗榔下初橫短蓬舫皇天惡料風忽顛賈
客倉皇回五兩老人倚杖不肯歸看打南湖白
頭浪

九江王興道早歲休官作易安奚疑二
室要余作詩

心如止水不妨清身似無官不為名但把一椽
供偃蹇從他百鬼瞰高明路迷雞犬家何在身
與漁樵席屨爭眼看青雲有增歟鷓鴣巢小未
宜輕
朽骨枯莖未必靈行藏何苦訪君平問津世路
心先懶買地江干計已成解向急流求勇退便
知幽事合閑清裕陵將種今誰在但恐君王問
姓名

倚杖

雨脚收寒久東風倚杖頰浪翻凌鷺起舡過小
鵝嗔客飯長腰米林居折角巾澆山一掬淚回
灑故鄉春

寒食日歸郡舟中作二首

歸棹浮江水寒衾擁醉眠亂花飛送客細浪穩
隨舡淚落澆山酒愁生禁火天一從胡騎入飄
泊到今年

世事聊相挽吾歸亦有期白湖為客久寒食到
家遲接屋花仍在遮門柳自垂向來歌社裏應

著老人嬉

春事

春事無多日江村有數家
尋閑飛燕子容易落
梨花草色過薄微雨柳陰銷
淡霞詩成不歸去暝
立看棲鴉

湖居春晚雜賦八絕

雪屋臨湖憶繫舡柳汀吹絮
又經年白鷗大似
知人意分与沧波十里天
雨後春湖拍与流近門誰繫
兩三舟水邊寒食
飛雙燕柳外斜陽卧一牛

數日東風緊閉門小桃知有一枝
新花飛不復
到老眼可是春寒欺得人

倚林相伴一枝藤強作春遊老
不能花底嬋娟
詩嫵媚枕中日月睡夢騰

黃蜂歸後燕成家楊柳初飛一兩
花已是無春
可拚得亂紅何苦惱霜華

曉鏡烟凝水繞湖晚汀飛鷺水
成圖早知魚鳥
堪同樂愁得華顛曉不須

兩日東風着意顛南湖風浪不
行舡飛沙走石
成何事吹得楊花也上天

湖水波連野水邊
欲晴鳩喚未晴天
懶吹雲去
風無力打得花殘
雨可憐

雨中立杏花下

淺紅踈葉出牆頭
事往人空鎖北樓
鳥為春愁
渾不語花知人意
亦含羞
東風脈脈情何限
細雨濛濛淚不休
却憶去年花下醉
依稀記得小蠻謳

恭聞已近原廟聖容入行在所

我氣腥京洛
橋山萬木悲
園陵回望遠
袞綉自天垂
日月瞻遺像
衣冠拜赤墀
櫻桃薦原廟
重

見漢官儀

太倉梯米集卷第十九

太倉稊米集卷第二十

詩六十首

雨後二首

造物有佳思
放晴娛薄遊
湖光散鳧鴈
野日下
羊牛水欲滿
舊壑艸還青
遠疇雲來猶倚杖
雨過忽橫舟

晚日纖々出
癡雲陣々回
風林無定翼
晴漢有殘雷
白水自天去
青山隨眼來
峯高月未吐
更擬着詩催

夜半熱甚湖上短歌

世間那得此閑身恐是前生賀季真
白水窓閑頻入夢黃梅雨細却留人
重聽款乃煙中曲淨掃離騷帆上塵
但得南風送歸棹未應幽獨解傷神

中元日雨中錄所見

顛風急來萬木委迅雷不聽人掩耳
南山栖鳥失故巢北山翔龍卷湖水
翔龍掉尾不肯收眼看滄波接雲起
想當舟楫避驚濤無數魚蝦趁龍尾

讀張載揚所示近詩頗懷其人

眼中人物欠曹劉老矣逢君接勝遊
詩與漫郎推輦行元具字從坡老得源流
羸驂又踏千山去黃菊空催九日愁
橫梨想多秋後句詩成須着錦囊收

次韻仲照秋懷四絕

日斜樓閣暮雲中黃菊紅蕖滿院風
酒熟未酬花爛熳詩來時聽玉丁東
老去篇章誰與酬秋來又喜與君遊
遺音固自成三歎語不應慙四愁
白髮新愁滿眼中騷人零落怨秋風
年來詩思

成何事聊伴寒蟄泣露叢
秋在幽人行樂中好山欲盡更須窮
花姑水繞幾時到
菴登谿遠路欲通

秋雨連日

老鬢風吹急愁雲帶雨飛
白添平岸水紅掩傍
幽扉力盡方謀食天寒未授衣
此身慙社鷺秋晚亦能歸

次韻羅仲共教授閑居三首

為米要令陶令出無繻
今坐廣文窮懸知嚼蠟
世味薄未抵撲衣
山色濃大益要令渠自擁小

糟當與客頻中家談安得從
三老華萼同編是

古風

了事癡兒不到詩
閑中鼓吹自應奇
莫教句法驚人甚
便恐功名入手遲
性癖雅宜嵇叔嬾
官閑只有漫郎知
庭梧想得西風急
秋意微生楚些悲

擬築揚雄宅一區
碧雞坊外且城居
江湖君尚作泛宅
風雨我當無弊廬
平日夢遊嗟路遠
新涼見面恰秋餘
便須載酒相從去
要識平生未見書

白湖聞鴈三首

斗落參橫天雨霜
夢殘燈盡客思鄉
丁寧莫作
叫雲去老眼不禁秋夜長

晚向瀕湖寄一掬
只憑沙雁與周旋
北來南去
莫惆悵我亦飄零那記年

羣人流落幾秋風
南望中原信不通
好寄去來
蘇屬國君王方射上林中

九日風雨終日用懷載揚韻

九日清樽強挽秋
滿庭風雨復誰避
俗人言下
無三語此老骨中有九流
白髮不妨欺短帽黃

花應解笑癡愁客
情老去何曾好
雙鯉書來幾
日收

九日不出

白髮誰憐我黃花
鼠憶渠酒杯今日把筋力去
年殊身遠秋如夢
謀疎老更愚
客愁澆不下強
欲醉茱萸

橋成

尚憶防秋日
疏渠轉曲城
萬方知盜息
此地看
橋成拄杖知頻過
遊魚莫漫驚
明朝趁虛去
昼
拄曉霜明

雪夜

病眼怕遙夜宿炉依小温
酒醺嫌雪厚書細苦
燈昏殘臘歸時夢它鄉
盡處村可憐雙白鬢
深閉一蓬門

讀蔡中郎傳

人生無先知頗欲邀後福
自言苟依違安得有
顛覆伯喈英偉資高義甚敦
篤不為左回天輒
作流水曲立朝有公言
誰能保家族朝奏皂囊
封暮就洛陽獄晚節不自守
一軼變前躅起依
千里草九徙如轉軸
卓死固已久安用復嘖
寔

琴中知殺氣此理及未燭
陋哉王司徒避諂私
欲戮公忠信安在志操
等流俗何能起顏綰此
輩真碌々

責雞

養犬欲司夜畜鷄要鳴晨
二物一失職遂辜畜
養思嗟我籠中雞芥羽
光照人我冠事飲啄緘
口隨晨昏我怒欲爾烹
鷄笑復自陳君看多言
者以忠獲怒噴臺評與
幕辯叟常殺身幸此
北窓卧頗似羲皇民五
起笑朝士三號驚夢魂
使子卧紅日謝客扃柴
門此意殊不惡請我無

謀諄

客舍二首

日、湖邊鷺類來我不嗔故山無百里客舍遂
三春紅落舍挑過青岳小杏新光陰花委地飄
泊鷺依人

疇昔江湖意見曹摠不知幅巾霑雨過拄杖看
雲移鳳子飛應遠鷺兒語罷遲閑從梅雪後直
到麥秋時

送張顛東歸

張顛住處是清高不但詩狂酒亦豪自說平生

耽翰墨未嘗名諱落官曹書工恥作雲間榜昼
好能添頰上毛早信人間苦荆棘莫嫌門外長
蓬蒿

薄暮二首

物外無餘子愁邊有是翁夢回鷺日脚而罷看
雲峯天與長閑處湖供不斷風猶嫌太多事身
落亂書叢

睡熟不知雨夢殘無限涼鷺飛時到眼鷺起不
成行瓜熟分蒼玉蓮香擘翠房掃門還待月近
水更移牀

靜夜二首

家與重湖近，門當永夜開。
鷺隨波浩蕩，人共月徘徊。
曉色催星落，飛雲帶雨來。
長鬢汲水去，小艇得魚回。

湖影入散髮，晚沙橫斷汀。
冠歌從自落，門設未嘗高。
鬼着林边火，螢翻水上星。
時聞有舡过，月黑夜冥冥。

雨晴望青山太白墓在其下

世間尤物如異人，青山不入諸山群。
晚來濃翠歆成滴，雨後數鬟高切雲。
人言茲山下埋玉，太

白祠扉落崑谷，至今樵牧無斧斤。
餘潤燁然歸艸木，徃歲小生來酌公。
秋山未霜葉尚綠，是時落日在屋梁。
鬢絲如照公，負目今我不樂湖。水濱青山到眼無，朝昏更歆再拜望拱木。
公已乘鳶上天門，帝鄉渺渺不知處。誰能為我招清魂，死生夜旦何足道。不敢復作湘纍文。

僕去歲作湖居十二詩，向開叔有詩次

韻為謝

三年湖雨一茅茨，坐遣幽人識面遲。
遺恨忽從愁裏盡，交情先向句中知。
重尋故里空勞夢，亟

買歸舟會有期何日劇談聽疊滿傾春酒細
論詩

得木犀

三年身在菰蒲裏手把巖花意惘然折得秋芳
香滿袖夢魂常繞故山前

夜苦秋蚊達旦不寐

昔年記淮邦茅廬蔚秋草兩耳無晨昏秋蚊困
飛繞利吻極慘傷郡飛固輕矯懸知孀女祠未
可較多少至今夢中留客枕疑五曉那知三家
村復此終夕撓青烟鬱蒿艾橫空益奔擾手倦

勞撲綠眼病惡薰燎誰言天宇大微物各除勦
何必養嘉羞便可付舟鳥

歸自白湖舟中作

客舍三寒暑扁舟入徃還殘年不如意老色日
凋顏暗谷鳴珊珮晴岳結翠鬟江禽渾識面似
欲喚人閑

寄家龍谿寺小閣初成時寫橫圖

三年波浸白湖門佛屋新分水北村窓可近書
真窈窕室總容榻頗深溫妻孥共社同香火魚
鼓催人作曉昏雪領已踈憐我老雲蹤無足與誰論

次韻雷飛卿送其女兄南歸

蘭皋飛佩一凄然
別酒深傾玉滿缸
誰喚孤帆天際落
盡驅秋色到愁邊
燎灑心在人能說
擬絮才高墨未乾
莫向南湖頻著眼
斷鴻踈影在雲堦

次韻陳季陵閱猥藁見寄

相思一日九回腸
多謝來書細作行
鏡裏有霜憐我老
鼎中無鬻付君嘗
衰顏本自羞連璧
佳句仍驚得夜先
五鳳樓高無此手
曹劉真是及肩牆

次韻文殊老人題寶頂寺

門連瀟水不可渡
山似妙高知幾尋
得雨僧分香積飯
行檀人施叢蹄金
重新佛屋在天喜
已退魔軍歲月深
老去願隨君共隱
誰能擁膝更長吟

揚次公待講待古印於洪井其文云東海開國次翁之子德潤以贈徐伯遠伯遠有詩次韻

王謝風流本自長
天教洪井發珍藏
定知東海新金斗
可繼文安舊印章

內相徐公伯遠祖封文安郡故有文安開國印也

龜去豈無江上戀鵲來今得石中黃傳家已作
它年地莫把功名付錦囊

次韻雷舜卿遊山時余以病不往

一病能令百念闌霜蓬零亂照衰顏知心只可
開三徑炙手何勞叩八閩老喜社中多臭味夢
思方外有躋攀勸君莫放尋山屐贏得浮生半
日閑

渡陂南用斜川韻

萬物有自得吾生感行休及茲天氣佳步尋水
南遊青板得野航竟渡一葦流乘流本無心豈

有不下鷗開口月有幾百年終一立與世似異
趨此行誰我俦村醪亦足醉對影自獻酬未知
世老日能遂此樂不事定會當諧不復懷預憂
但願營自安孰是都無求

歸陂北用斜川韻

薄遊不盡興歸卧當少休曲水維陳迹斜川有
新遊浩歌獨長往豈亦慙此流僑寓三家村飄
如浮水鷗屢爭漁樵席共守孤鼠立削跡屏冠
服索居謝朋俦樽中有餘滴子獻復父酬殷勤
問稚子汝復樂此不稚子掉頭笑老夫豁深憂

但令常復爾過是吾何求

舟中次韻飛卿贈別長句

早歲從田歎不逢老隨乘鴈聽西東青山約在
何時了白髮次成一笑空昨夜清歌催別酒只
今寒月上孤蓬相逢莫怪長相憶舉世交游無
此風

雪後望文脊諸峯賦韋蘇州門對寒流

雪滿山之句得兩詩復居城中

雪壓寒林春未回晚山猶帶玉崔嵬誰將舊日
常郎句兒取郭熙年遠來

新年媿、媿、雪猶在重、疊、山莫作故時
峯嶺看玉京今不是人間

送方元相宰錢塘

雲路飛騰合到君不應猶現宰官身未分東觀
消長日聊為西湖作主人天近得聲知亦易民
飢當念可須嘆薄書囊裏江山在了事何妨得
句類

向間叔借陳公詩卷以詩奉寄且易乙

藁

誰言靜寄是窮兒盡得陳公晚歲詩一讀便醒

雙淚眼頭風更擬倩誰醫
平生不識陳驚坐傳得新詩
嘉失牀聞道明珠
猶滿眼煩君為我一傾囊

舟過道場山下將往遊舟師告以雪塗
不可行而止

風蒲飽朝航霽色急新漲
雲山繞平湖水墨澹
屏障夷猶拖初回突兀山入望
何妨傾寸眸便
足了千嶂想像鐘磬音隱約
霄漢上我欲一往
遊遐瞻茲可暢暮雪猶在塗
遺事不得訪人生
蠟屐綠一世能幾兩登山追勝
遊脚力湏少壯

重來定何時吾策今可杖
老願復爾遠撫事一
惆悵

老日

老日那容惜晴光到眼休
蠶知今日浴麥復幾
時收黃犢分青州花鳧趁
綠溝誰能更歸得已
是一春留

西湖山下梅花塢行可里許至陳御史
園亭

倦客厭早栢白日坐飄忽
呼我同舍郎緩策扶
勃窣緣山得人家附影蔽
深樾湖水一鏡明梅

花千樹發扶疎弄清影
髣髴見羅襪淒迷香霧
中身已在月窟窮探意
未已取徑無詰屈誰家
歌舞園花亂竹復密御
史投紋餘課豎種梨栗
吾曹不解事尚此季操
瑟當從漢陰人抱瓮日
捐

寒食前五日作二絕

杜鵑新曉曉來聲暖氣
催花一夜成寒食只今
無幾日故鄉何處不閑
情
寒食風埃滿客中西湖
烟雨送愁頻日高未起
鳥呼夢春晚不歸花笑
人

三月二十二日春雨終日

此情誰與問天公
幽子全歸白髮翁
袖手尋詩紅燭裏
卷簾聽雨綠陰中
杯盤眼見櫻桃熟
時節心驚柳絮空
誰為羈柙到三月
還家猶及舞
雩風

奉酬德莊見和

趙彥瑞字德莊
有詩文行於世
歸介庵居士集

橫飛袞袞見諸公
着眼何由到此翁
胡粵相忘千里外
金蘭投分一言中
詩綠漸熟情難洗
老色來煎念已空
銷盡客愁知底事
愛君回雪与
流風

